


5237.8/7922(13)

C.2

近代詩鈔

十三



近代詩鈔

鄭孝胥

孝胥字蘇盦號太夷福建閩縣人光緒壬午解元官至  
湖南布政使有海藏樓詩

石遺室詩話蘇堪詩少學大謝浸淫柳州益以東野泛  
濫於唐彥謙吳融以及南北宋諸大家而最喜荆公昔  
趙甌北謂元遺山專以精思健筆橫絕一世蘇堪之精  
思健筆直逼遺山黃仲則詩云白嫌詩少幽并氣故作  
冰天躍馬行蘇堪少長都門自具幽并之氣張廣雅相  
國極喜蘇堪作方諸華嶽三峰可謂知言矣

春歸

正是春歸卻送歸斜街長日見花飛茶能破睡人終倦詩與排

愁事已微三十不官甯有道一生負氣恐全非昨宵索共紅裙  
醉酒淚無端欲滿衣

吳氏草堂

雨後秋堂足斷鴻水邊吟思入寒空風情誰似楓林好一夜吳  
霜照影紅

水痕漸落露漁汀禿柳枝疏也自青喚起吳興張子野共看山  
影壓浮萍

家書至卻寄

書來意萬千隔此紙一重持翦手自發尙恐讀易窮向來喜夜  
書燈花別幢幢墨淡字斷續體勢殊未工實亦無所語但道無  
恙儂欲知許時事丁寧尋歡悰生理本可笑日對蓬髮僮甚思  
逐春遊出門成孤蹤正月月圓時斜街鼓鑿鑿二月月圓時我

在官學中詩就還獨吟書史頗亦攻署中時來云某日當趨公  
賃車便應去車聲何玲瓏友朋有幾人旬餘或相逢笑談破無  
俚神情終怱怱說歸漸可厭畫餅饑豈充回頭看庭樹誰能送  
飛鴻

寄栗生兄

蠶鹽未了持家事燈火惟餘課弟編料理兒曹聊晚計浮湛閭  
里忽中年好乘佳日舒心眼莫遣新霜拂鬢邊準擬江淮乞郡  
倅爲兄先辦杖頭錢

枕上

閒身急景暗中過枕上方驚去日多月影漸寒秋浩洞榜聲彌  
厲夜嗟峨養生候密須逢子學道心繁總著魔是事故應思熟

爛不將美睡換奔波

學道之士必  
以子時備煉

八月二十八日夜坐時將出都

宵涼百念集孤燈暗雨鳴廊睡未能生計坐憐秋一葉歸程冥  
想浪千層寒心國事渾難料堆眼官資信可憎此去夢中應不  
忘順承門內近觚棱

出京

坐看林葉黃已有難留意秋陰積離色送我以寒吹親朋裁三  
五念別數相詣去來自細事所歎迫生計翻然狗微念赴之頗  
沈驚寧辭長途勞聊免他時悔海波千萬疊適志即平地驅車  
出東門眇默身如寄

聽水樓偕伯潛夜坐

人間可語轉寥寥默坐空山盡此宵月黑忽驚林突兀泉枯惟  
對石嶠曉宣南氣類今難問樓上詩魂我欲招樓懸淨名莫便

相逢恨岑寂明朝分手馬江潮

雜詩

城西朋好誰相憶定是丁陳與沈黃海上昨逢潤州守一時回

望奉先坊

下斜街黃金之奉先坊可莊所居丁陳謂叔衡

江海論心有幾人葆真季直最相親治河策上仍為客種樹書

成未療貧

葆真游河帥幕中季直

石頭城西去來客路熟深慙益山碧山下詩人顧石公念我狂  
癡時歎息

扁舟京口留三日北固山頭別酒明珍重贈言吾過矣著書用

世太勞生

將之日本賦詩云龍錢余

螺髻瑤簪倒碧空長崎山色似閩中出門十日忽至此歸夢可  
憐千萬重

近代詩鈔

鄭孝胥

高松保郎詩

斷腕高松氏歌者良紛紛四坐且勿喧聽代保郎言保郎家江  
戶事在明治前少小無所知但念知己恩藩法時方酷義父抱  
深冤獄急待自殺營救窮百端俱死猶不解智竭惟有身探懷  
出白刃霜光蝕我魂低回語左臂全歸愧難全斷者不復續今  
日與汝分欲下齧牙斷神鬼唬右邊誰知父母軀彼此乃相殘  
一揮何時落昏絕耳不聞俄然視白日豈意猶生存收我刀如  
風滌我血翻盆修書仍函腕馳獻辭悲酸義父幸得白殘軀越  
中年支體已不痛沈痛在心肝賣藥溷市人懺悔向世尊衆生  
有疾苦莫似我艱辛大清黎公來遺我以古文李公尤慷慨陳  
義高青天保郎身見在保郎名已傳會有義士知熱淚墜衣巾  
人生歷情劫憂患深相纏本心要不昧君子或見憐保郎骨可

朽義士淚不乾

立秋永田町日枝山下新居作

日枝蓄深蒼細巷藏山麓清谿復繞巷彌望但高木西尋巷欲  
盡柀落窺我屋入門勢稍邃紙窗晝常綠纍垂柿與梨離立松  
與榭連楹作磬折三面成五曲閨人愛西南臨水好送日東軒  
尤蒙密敷坐客所肅距軒北二椽宜以棲我僕周遮望若隔呼  
喚應頗速跳梁便兒女飲噉足蔬肉旬餘困坐起月許忘局促  
丁寧促灑埽婢媪額屢蹙比鄰各勤潔詎可愧彼族雨簷報晚  
霽片月如涼旭晴鐙鬧流星繁絲壓孤竹奔車湯忽沸推枕聲  
在褥中宵起舒嘯夜氣漫林谷鄉心茫欲碎離念牽更酷我愁  
婦亦歎身世付轉轂中原民情敝隱患在心腹此邦俗亦偷交  
誼聊云睦誰能任茲事起造斯世福微官欲何道一飽忍干辱

悲呻久不寢人世寐正熟雛鷄爾誰戒向曙強呻喔

自住吉游有馬入山雜詩

錄一

山東曰朝陽山西曰夕陽夕陽只芳草朝陽松柏長

有馬雜詩

錄三

松蘿風颯然雙泉自奔瀉踞石而科頭白衣山人也

谿館無人至松杉闕翠微烏山底處似沈范二公祠

紅綠山館甚似烏山

雷奮雨百倍雲馳峰四移山靈好才氣獻此一段奇

冬日雜詩

猗嗟我從祖高行世所獨有時聞微言終身在初服孤露薄有  
知所賴見尊宿今年吾道苦此老夢已覺別時知難再揮手反  
見速衰顏一何瘦忍淚竊注目不殊辭所生摧割痛在腹未曾  
聞怛化每憶已自哭理當棄妻子卒侍啓手足何言迫生計恨

媿滿衷曲因思議私諡介節誅不辱雖然異出處知己配文肅  
哲人萎二老願見那可復吾其放於夷猖狂混清濁

栗兄書言荔支老樹枯矣因感念介節叔祖

歲星人望魯靈光此樹婆娑共可傷不見頽蚪虛老屋載尋白

髮亦空堂披書海國懷難遣照影池波夢豈忘

樹臨西院池上予少日居此院

叔祖亦居東憑仗阿兄勤點綴春寒更與種修篁

神戶理事署樓中雨望

危峰鬱鬱浪蒼蒼對此茫茫我亦忘時命看天終濩落雨風注  
面暫清涼華民力屈愁微業島市風移足老羌海內故人應絕  
倒便從窮髮問行藏

九日大阪登高

霜風連朝作重陽蕭寥坐落無人鄉端居秋氣最先感起與蟲

近代詩鈔

鄭孝胥

五

鳥爭號翔樓頭山海自圍繞於意不樂如羈縻逝將去此更一  
縱瞬息百里遙相望未花蠻菊那足道眼底正喜落日黃登高  
聊欲去濁世負手天際終旁皇空中鳥跡我今是底用著句留  
蒼蒼故山歸隱有兄弟倒海浣此功名腸

望月懷沈子培

天風海色颯成圍獨倚三更萬籟稀不覺肺肝生白露空憐河  
漢失流暉東溟自竄誰還憶北斗孤懸詎可依今夕太虛便相  
見屋梁留照夢中歸

傷忍盦

彼蒼不足恨人事實可哀莫復念忍盦念之心膽摧烈士盡奪  
氣况我生平期四海盡驚歎矧我夙昔懷聚時不甚惜皎皎心  
弗欺別時不甚憶落落意弗疑如何無窮志殉此七尺骸交情

日太短天絕非人爲命也審如此終古寧可追

朝士重清流此風亦久息不隨薄俗移通介見所植抗言得棄  
外天日無慚色誰知活人手未恨江湖窄爲民奮請命有此二  
千石世間污吾子捐去誠上策但糜老親淚冤苦滯魂魄當時  
殉名人著望各藉藉貪夫溷烈士事定衆乃白公等當期頤王  
濟我恨惜

感舊示李君芝楣

浮生百事苦難就所貴得意當我身吾力能爲未敢必况乃假  
力於他人皆云未至時有待傷哉心膽幾沉淪往年都城盛朋  
友緘齋忍盦情相親激揚掩抑性雖異用意沈著不可言倏如  
花落風雨過置我惘惘銷精魂向來緘忍竟何得俯仰各已歸  
九原寧當入海尙負氣癡念志業空窮年憶嘗吟詠戲相勸檢



視遺句餘悽酸今者聊欲託此事天道弗忌當長存心知寥落  
誰與語驚歎李君下筆真君儻感此可共作精力足用毋逡巡

櫻花下作

仙雲昨夜墜庭柯化作蹁躑萬玉娥映日橫陳酣國色倚風小  
舞蕩天魔春來惆悵誰人見醉後風懷奈汝何坐對名花應笑  
我陋邦流落似東坡

嫣然欲笑媚東牆綽約終疑勝海棠顏色不辭脂粉污風神偏  
帶綺羅香園林盡日開圖畫絲管含情趁豔陽恠底近來渾自  
醉一尊難發少年狂

脈脈輕陰壓軟塵閒愁漸逐柳枝新清明寒食初驚豔穠李天  
桃不當春薄醉乍蘇沈宿夢凝妝纔就寫全身亭西棖觸年時  
事錯認東華絕代人

看到繁枝處處開韶光駘蕩錦成堆春歸滄海剛三月骨醉東  
風又一回花氣連雲收暮雨濤聲催晝送輕雷道人摩眼空吟  
望無復當年側豔才

風雨花盡

昨夜仙官下取將海天風雨徹宵狂名花身世真堪羨烈烈轟  
轟做一場

風雨既過有二株粲然獨存憮然賦之

飄風疾雨萬騎趨欲救不得嗟羣姝朝行我園太狼藉飛雪宛  
轉縈衣裾眼看衆枝各含怨頓抱芳意歸空虛春和景明若有  
失驚顧忽出悵惋餘朱顏亭亭獨無恙憫默俯立嬌難扶驚魂  
漂搖俄欲返幸脫浩劫尤憐渠先生歎逝賦未就念汝失侶同  
羈孤徘徊繞樹復顧影苔深泥污聊相於盛時未闌奈零落山

河邈隔空愁吾

詠盆中白牡丹

神如皓月元來淡氣帶春風些子寒海外更休嗟寂寞白花猶  
自伴朝官用白傅詩意  
倭中亦解重花王苦爲櫻桃說擅場他日教知南漢事也如北  
勝對南強

九日與胡康安同登北極閣

雨霽秋高最蕭灑北城登臨俯原野海外歸來多感傷脈脈江  
山待來者胡子可人能醉我共看落日天邊瀉吾儕未知所歸  
處復際中原動兵馬丈夫忘世乃大雅謀國區區策殊下道傍  
茅屋猶有人歲晚鷄豚足同社

哀東七

甲午十二月十一日殤於江寧才二歲

中年念兒女剛性殊曩昔眼中第三兒抱玩輒不釋咿啞裁學  
語見爺已解索吾懷雖鬱伊爲汝常慙適親黨共誇慧比似珠  
的礫何時大疎忽不節使傷食投藥若小瘳日日看愈瘡出愁  
入亦愁彌月疾遂革冬至幸脫命小寒過不得父憐母復愛撫  
汝兩脚直

兒死膚未冰臥板藉以裸出門別吾友歸斂已不早入棺望始  
絕父子緣遽了猶當書兩和白骨知此惱紙錢送汝去遺燼那  
忍掃今宵我不寐窗下燈皎皎後房汝啼處絮泣剩婢媪一家  
各上牀擲汝向荒草歲盡冶城旁月寒新鬼小

三歲居日本此行誠不利海東得是兒自詫帶奇氣歸來太倉  
卒斷乳哺用餌十旬卒致殞分我感時淚遼瀋方鑿兵暴骨滿  
關外誰非父母體驅向萬里棄汝殤何足恨浩劫行且至中原

近代詩鈔

鄭孝胥

八

適無人去去非我世明年化猿鶴聊欲從此逝

西湖初泛

乍喜杭州入眼新便呼小艇載閒身抱城嵐影浮初日侵岸湖  
光上早春祇覺樓臺勝人物欲憑山水遠風塵酒壚正在宮牆  
外帶醉凭欄獨愴神

湖上

漠漠雲陰斂曉光平波纔欲倒垂楊諸峰盡在微濛裏今日西  
湖是淡粧

湖上雜詩

微雨灑復止春山人獨行西湖知不遠照眼小桃明  
湖心風乍起雲影暗雷峯但覺波光白不知煙翠濃  
湖波太嬌軟畫船殊難載最宜拏小艇盡領烟水態

諸峯競弄影湖水與搖曳不用借樓臺為渠作莊麗

歡情酒維持好景詩記錄吳儂生湖山此語差不俗

景盡將詩記錄歡  
情須用酒維持

樓外樓  
俞好

名勝多難復風流不可攀蒼涼莫懷古祠廟滿吳山

海氛傳聞惡閩浙防有變朝旨起尙書昨日湖上宴

二月二十八日邊制

軍游  
西湖

二月向杭州何人見獨遊

余以公車北上辭張孝達制軍行至  
上海送禮弟赴津而已獨游杭州

猶能輕世事日日醉湖樓

春煖桃柳新六橋多士女只愁風雨來路長奈何許

漸與諸峰熟又憐湖水妍湖山豈識我欲去莫流連

用賈島真山民三月晦日詩作首句

三月正當二十日挽春無計只傷春明朝惘惘成追憶却道春

光屬別人

賈首句

九十風光能有幾春風春雨總經過誰知地變天荒意莫借魯  
陽迴日戈

真首句

書檉弟扇

我生實不辰降志而辱身如今好相戒莫作采薇人  
二兄久食貧被酒語跌宕門戶要人興兩弟齒俱壯

同季直夜坐吳氏草堂

一聽秋堂雨知君病漸蘇欲論十年事庭樹已模糊

遊石觀音寺登周處讀書臺

秋原風日照眼明北城熟遊思南城遙憐古寺媚平楚入門忽  
對幽崢嶸高臺望望悄然下雙梧蕭蕭嘯檐瓦勞生折節空爾  
爲太息當年讀書者

懷座主寶竹坡侍郎廷

滄海門生來一見侍郎顛額掩柴扉休官竟以詩人老祈死應  
知國事非小節蹉跎公可惜同朝名德世多譏西山晚歲饒還  
往愁絕殘陽挂翠微

追懷陳緘齋

與問

風味緘齋致最優眼中何處著時流逢場未減清狂概帶醉偏  
尋寂寞遊雙鬢早衰緣骨肉孤兒誰託指山邱輒塵丁鄭還相  
見宿草年年淚不收

答沈子培比部見訪夜談之作

寒夜肯過我來者非等閒取我已逝懷今夕復見還始合若微  
感再厲遂無端嗟我豈有知感子難自吞長劍四五動十指千  
萬彈持以喻我意此意殊未殫須墨惟瀝血須紙惟劄肝執筆

爲我書我舌敝猶存子心狂而忠子節純且堅爲子所能爲毋  
爲空話天

世衰士益放未可榮以祿高言虞見罪聊復事飲啄君看我此  
來作計乃爾毒兔爰逢百憂明夷入左腹毀車更殺馬降志非  
取辱起追孫登嘯坐視唐衢哭韓非懷孤憤終爲秦政戮東野  
變爲龍退之詎能逐

相知垂十年未覺往可悔中間有逝者可謂莊王警痛愈相愛吾儕  
各老大豈作兒女態形骸雖暫隔至味固不敗精誠遠相照山  
海了無礙神京萬斛塵風烈成晝晦驅車犯埃塹憂子亦以憊

國門行揖別歸聽長江礪

見唐子西詩

歲暮酷懷人孤吟復誰耐

### 泰安道中

隴上清晨得縱眸停車聊自釋幽憂亂峰出沒爭初日殘雪高

低帶數州迴首會成沉陸歎收身行作入山謀渡河登岱增蕭  
瑟莫信時人說壯遊

正月二日試筆

以下丙申

心遠無妨得地偏南歸袖手對吳天凌空翔隼高圓外破寂鳴  
雞午景前白下溪流向人靜紫金山色入春妍閑中把玩消何  
物却辦微吟遣壯年

### 從廣雅尙書登采石磯彭楊祠

大江東去意何如暫駐旌旗上碧虛祠廟雲霄依太白山川風  
物比南徐料量筋力艱虞際總攬英才感慨餘不信乖崖久閒  
地吳民遮看老尙書

### 蕪湖道署燕集上廣雅尙書

細雨于湖路揚舲節使過高齋春日宴江介晚來波宏濟時誰

賴艱貞理不磨赭山樓甫落歎息話涪皤

袁爽秋觀察修赭山  
滴翠樓是山谷遺蹟

### 從廣雅尙書登石鐘山昭忠祠

江湖交流山壓城祠堂照影收江聲千瘡萬痍痛徐定惟見樓  
觀棲崢嶸已亂終疑闕人力三十餘年民尙瘠山縣荒荒僅一  
祠壁記含悲空入石刼後神州運漸開採時須是異人來沉吟  
高閣天風晚落盡江梅長綠苔

### 復從遊武昌西山九曲亭至陶桓公祠

楚山入武昌連峰到江盡危亭據九曲江樹遙可認東坡遷人  
耳名與此山峻壁閒潁濱記微歎轉清潤長沙擅功伐當日比  
廉藺平生慕聖禹事乃儒者近至今讀書處老桂散餘韻來遊  
生苦晚入世邁多釁誰言不逮古差喜陪雄俊尙書實挺生憂  
國帶霜鬢高賓有梁蒯聲實各隱磷峰頭立小語萬古入鴻陣

部民爭擁看諸嶺爲微震賤儒世雖棄濟勝頗能奮登臨摩倦  
眼私淑竊自信被髮行歸山振衣向千仞

### 上巳吳園修禊

茫茫相對復江春奈此英多磊砢人各自中年憐意氣聊堪一  
醉祓悲辛層陰坐滯芳菲節樂事偏歸寂寞濱未遣風流頓銷  
歇等閒乞與草堂鄰

### 過侯府懷亡友陳幼蓮

東城巷陌年年異雙楮拏空最能記故人何往門庭是門外悲  
風入吾袂當年無日不相見晝語夜談樂難比憶嘗酒半去不  
告君自追我及水次仰天執手長太息過爾摧折非吾意子宜  
爲世善自愛是時被酒已微醉我居纔距一牛鳴強遣肩輿爲  
送致一日塘邊獨徙倚野鴨蔽天帶霜氣北來下輿當我前指

看秋巒共稱快平生平生幾知己此情此情非夢寐益山顧五  
號能詩寫我思君得深味

顧五子朋先  
有懷陳之作

### 晚涼

臨河初月挂幽光出樹雲陰吐晚涼飯後常教移竹榻秋來最  
愛住江鄉引身林水神俱適斂手風塵意已蒼心膽試捫盡灰  
冷幾分餘熱祇剛腸

### 南皮制軍六十生日

獨起輝天際尙書若啟明深心逾少壯浩氣貫生平諸老唯無  
術神州久見輕如聞覘國者反報爲司城  
神完中有恃談笑却熊羆自古雖聞此於公始見之个臣坐江  
漢四海念須眉吾道微如髮還看振孔姬

### 濠堂落成

惜哉此江山與我俱不偶廿年去來迹知者有鍾阜作堂臨濠  
上終日對戶牖泊然疑可老豈屑問誰有聊忘孤生哀亦避世  
事醜吾言寧欺天有如堂下柳

### 子朋屬題山水小幅

江東顧五倦遊還占取城西水一灣卷卷清詩皆入畫底須俗  
筆汗溪山

二士風流比阮嵇年來物役苦難齊欲知白下閒蹤跡只向書

堂覓舊題

子朋所居深柳讀書堂  
中余舊日題詩最多

### 題晚翠軒詩

稱詩有高學云以澀爲貴子豈真可人所詣遽爾邃詩懷文字  
前未得殆難會卽論句法祕大事匪狡獪初如咀橄欖枯中說  
滋味終乃啖枇杷甘平宜渴肺子詩實早就流宕可毋畏試廻

近代詩鈔

鄭孝胥

十三

刻意功一極才與思向來謬見推淺語不予贅仍當摹千文爲君題晚翠

題吳鑑泉新成水榭

舊隱新營意最殊曲廊小景向來無過橋山色閒相引隔水林風清可呼白下羈心長兒女草堂斷句徧江湖廿年攜手淮流上照影何人識故吾

舟過金陵鍾山戴雪而臥凝眺有感

依依鍾阜舊崔嵬負雪尤憐玉一堆詞客還從江上過濠堂端付夢中來蹉跎知遇存黃土寥落朋儕隔酒杯曾是華年磨滅地不關兒女漫興哀

海藏樓試筆

滄海橫流事可傷陸沉何地得深藏廿年詩卷收江水一角危

樓待夕陽牕下孔賓思遯世洛中仲道感升堂陳編關係知無幾他日誰堪比辨亡

時校定經世文續編

郝超

丈夫儼然如繫囚自斷猶堪歸隱邱人間郝超不再得縱有高隱誰復收當時戴公剡中宅精整乃與官舍侔辦資百萬意奇絕未用夷跼窮推求咄哉傅約隱不果慎勿輕詆渠非優從來酸寒痼山水焉取名節驕王侯士人麤願衣食足鬼神靳汝寧相酬嘉賓可作吾可隱買山豈畏譏巢由

上海旅次酬顧五子朋

顧選得荆溪學官

當時豈意眼中人逆旅相看老漸親蘇子終成寄陽羨荀卿猶自客春申溪山緣在官寧腐風雨愁來酒未醅他日尋思定何味祇應餘味是艱辛



漢口得嚴又陵書卻寄

江漢湯湯首重廻北書函淚溼初開憂天已分身將壓感逝還  
期骨易灰闕下驚魂飄落日車中殘夢帶奔雷吾儕未死才難  
盡歌哭行看老更哀

游漢陽古琴臺

小山障江帶城陴官道繞出湖一涯岡巒黃落荷芰死展此百  
頃涵空漪古臺在斯實微阜牙琴久絕音已希我來撫膺坐還  
慨小憇聊敵疲與飢物生能事蓋殊趣如魚自潛鳥自飛眼前  
山水誰賞得況乃意象窮淵微百年人已竟孰重奚取辛苦求  
中期汪銘容甫宋歌芷灣騁文字兵火所隔餘殘辭游人三五  
豈懷昔競愛亭榭娛斜暉呼舟撇波絕湖去廻望延佇含清悲

除夕

在漢口

留楚逋臣黯不言入江漢水夜逾喧今宵安得通宵夢夢過松

江向故園

時兄弟在閩而妻孥寄滬

志業區區漫愴神行年四十老相親梅亭松柏風吹醒猶是中

宵飲泣人

福州西門梅亭先考妣墓在焉

人日雨中

人日梅花空滿枝閒愁細雨總如絲臨江官閣晝欲暝隔岸楚  
山陰更宜逋客偶來能自放翔鷗已下又何之憑闌可奈傷春  
目不似江湖獨往時

廣雅尙書招同姚園探梅

看徧官梅愛野梅自麾騶從踏莓苔入春風色連林覺過雨山  
園一半開賞會未妨饒勝事憂勤終是靳深杯尋花士女成圍  
處競指元戎小隊回

近代詩鈔

鄭孝胥

偶占視石遺同年

一世詩中豪用意常在小永叔故可人舉頭驚飛鳥甫南皮舉介語為問

之余答

臨川不易到宛陵何可追憑君嘲老醜終覺愛花枝云石遺示老詩著花老

從樹初無幾試聽容長醜枝

詩要字字作裕之辭甚堅年來如有得意興任當先

田舍計最高本自輕玄德徑上大牀眠陳登翻作客江石遺嘗就渡

下牀臥竟夕故戲之王荆公有詩云無人語與劉玄德問舍求田計最高

續雜詩

門外大江橫翻覺詩難好吟就武昌花寄與南皮老

洪山登南皮尚書閱兵臺

跨城山勢各依依遙愛浮圖插翠微桑麥欲成春半過江湖長

繞客安歸其亡隱痛南公語可去曾聞穆氏幾莫倚高臺看落

日論兵殘淚向誰揮余去歲在都召對乾清宮極言練兵之急

三月十二日作

人生三十為一世失卻少年安可悔朱顏銷盡四十來昔日風情竟何在功名自是誤人物敗德喪真作吾害不妨小待老堪憎付與世間償宿債平生心得祇乘興百折千磨終不壞文字緣深豈易拋色塵意起殊難戒江山滿前花競發性不能飲亦已醉向來不信說天公後世知音應有采

漢口春盡日北望有懷

牽懷何意意猶疑楚水銷魂似別離往事夢空春去後高樓天遠恨來時袖閒縮手人將老地下埋憂計已遲莫道一生無際遇靈脩瘦損記風儀

近代詩鈔

鄭孝胥

十六

送荆宜施道俞君實解官歸養

去官信爲樂見親方是歸焉能視日月荏苒辭庭闈俞公仁甚  
勇所學在不欺拂衣誰得止神助非人爲萬衆惜其去臨歧惟  
一揮奪得塵中身還爲郟下兒我心懷寸忠自放漢水湄爲忠  
不如孝嗟公遂其私虞山有國老顛顛想霜髭未可聞此語憑  
公寄我思

廣雅尙書生日以詩爲壽

莫道希文窮塞主却教矍鑠敵清貧垂天斗柄諸方見入海江  
流半壁振憂患老來身自扞須髯白盡氣逾新閒鷗不爲詩翁  
戀浩蕩煙波恐未馴

八月六日攜炳垂二子登晴川閣

危磯赴水作孱顏二水縈回見帶環檻外千帆皆入閣城中萬

戶總依山廿年藍縷規殊遠一老經營事已艱恨殺江流偏到  
海端令憂患滿人間

廣雅留飯談詩

半生作詩多苦語一見尙書便自許彌天詩學幾詩才五百年  
閒闕標舉寢唐饋宋各有取挹杜拍韓定誰主忽移天地入秋  
聲欲罷宮商行徵羽

初日照廊霜後暖爛漫秋花階前滿抱冰堂上坐人豪對酒論  
詩暫蕭散世難如山未易開袖中短筆太清哀黃圖赤縣看公  
在乞取江湖放浪才

李家寨輿中

牕懸柳林月衣帶信陽酒不見何景明孤吟振林藪

答沈子培見訪湖舍不遇

近代詩鈔

鄭孝胥

十七

我生安歸指菰蘆美此積水來寄居循灣常記一枯樹到門猶  
隔千畦蔬子知吾居第幾湖枉用相存命肩輿輿中萬態入詩  
眼助子吟思清而姝尋常叩門客有幾自謂敝老真吾徒如何  
乘興適相左此段堪畫誰能圖街西道人微有鬚湖壩居士暫  
且癯武昌城中悄來往孤絕頗似雙浮屠市人或指訝二子何  
許流落形垂枯豈知閱世意皆倦握手中千欵欵斜街諸鄰  
不可呼存歿聚散痕欲無當時癡腸那復熱賸有世議窮挪揄  
明年計君決北向與我暫合終當疏涪翁有語會記取一面全  
應勝百書

營盟鷗樹既成以詩落之

畸人雖無心戲具未遽擲蓋頭茅一把取足寧吾魄去江不十  
步矮屋久欵側我來掖使正意外忽有獲取山置南窗決天入

東壁白鷗果來下欲與我爭席拊楹一長歎頓失向來窄是時  
蟾將圓百里漾皓色中宵風何怒驚浪拂檐白暄涼理相召此  
變固已劇超然獨燕處熟視忘語默玩物未可非喪志乃一適

丁叔衡畫便面見貽以詩答之

形骸本死器神識來寄居持此遊人間如體著衣襦少壯實美  
服意氣豪且麤老病服漸弊瑟縮情不愉夫何久喪我從渠作  
榮枯一朝得自議奮迅不受拘於世定奚缺所憾良區區恆齋  
雖病廢神完能自娛作詩遠寄我巧兼畫與書我謂子無病非  
病乃其通平生意相親重子寧以軀子誦此詩終霍然還壯夫

盟鷗樹雨夜獨坐

江聲定奇絕氣涌如排山忍寒吹燈坐得意風濤間  
風江已自豪妙雜秋雨響沈寥不可名閉目試一往

傷壽伯弟仲弟

三年伏處絕艱辛赴死終傷志未伸四海朋交俱失望一門兄弟自成仁高林奮筆傾酸淚張卓函書帶戰塵莫怪褒忠殊不及朝衣東市是何人

賜不為恨

伯弟自戊戌後深自韜隱京師陷兄弟皆仰藥嘯桐琴南彌余芝南與予書皆以

陳叔伊次子聲漸歿於天津之亂叔伊自為哀辭使余題

其後

神京烽火莽連雲愛子書來隔虜氛魂夢飛揚多幻想道途驚絕入傳聞栖栖江漢詩人老去去家山落日醺賸有哀情似熙甫一篇思子綴奇文

金口至青山隄聞告成賀廣雅尙書

天迴地轉事不同鄂州行爲天下衝勢如奔虵脊先起誰歟見

者抱冰翁見之非難謀豈易一世沉沉在夢寐下手驚看國手棋殺意未呈機已備登山支頤久端相城東渺渺連湖光決湖捍江出平陸何時事成衆方覺金口桃花青山柳百里驅車一回首湖水入江更不回膽落江神避髯叟十年前後試商量北燕南粵歸吾堂要令土與金同價那得高原可種桑

用淵明語

四月二十日夜起

坐覺樓前江水深江風收雨動高林半規涼月通宵色一枕勞生向曉心故里欲歸真自調幽憂爲疾獨難禁好懷不惜銷沉盡那向人間罪陸沉

杜陵畫像

杜陵一生百不就至死不爲天所祐誰知歷劫行人間造物安能如汝壽詩者一人之私言或配經史垂乾坤丈夫不朽當自

致假手功名何足論

述哀

榕城疫盛行人鬼爭出歿里中喪族弟俄復奪一姪姪年已及壯蹉跎未授室愆期我負爾兄嫂老彌鬱於時迫端午次兄方臥疾書中道無慮悲悻常忽忽何來鵝車礮一擊碎心骨父子相繼逝先後纔旬日

我持栗兄書猝不知所爲自呼神略定勃然湧千哀兄書本細秀兩紙字纍纍二喪仗經紀智慮饒安排疾疫甚刀兵一言傷我懷江船幸未發飛書還相催行間別無語速去勿遲迴我兄但自脫婦稚徐更裁

淦子赴弟喪炳子之日本我特促之行所慮良在遠炳前跽告辭酸淚爲一泣方當迎而父但去毋悽斷爲農增養親世變莫

挂眼三年學成就聚首日靡短東人况善我受託頗繾綣而父書云云望汝意不淺

乞假居持服懸懷在長兄張沈來自吳入門偕吾櫪怱怱相弔慰語次心屢驚初聞兄又卒無淚眼空瞪究窮死所由號叫肝自崩陳郎書在手白日非幽冥行年已六十兒輩盈階庭何苦而輕死自沉爲獨醒因憶神戶歸失足落東溟墮河經再厄胥種終相迎我欲叱閻羅鬼籍除其名不然當把臂地下從先靈

張季直沈子培也  
陳謂筱元妹丈

兄亡非緣疫其故獨何歟畏疾而馮河哀哉豈此愚寄書且視妹所言固不虛書詞靡贅亂巷陌多繞紆河之水悠悠城東得遺軀終時作何狀割愛從黿魚爲弟誠無狀不能摻其祛兩兄挈一姪何許相睚眦知死不可讓以次當及余

死喪雖甚威後死方有事門中二十口舍我將誰寄致書使亟  
來惡瘴猶爲厲漢陽趣賃屋規以安汝輩三棺當暫厝閒歲待  
我至解衣斲蒼山和土將血淚築成名恨塚償我無窮意炳乎  
汝勿歸父死叔尙在東行而計定世亂重抱耒  
稚辛聞此變千里來共哭四支已半摧一手倚一足作書寄護  
妹天地此骨肉事牽難久留送汝使我獨登舟一悽惶去去意  
殊酷樓頭臥更起船尾燈猶綠江波闇漲天風雨欲揭屋餘生  
付殘世何地同啜粥

鷗榭聽濤

武昌城東山簇簇夏口無山藏萬屋大江挾漢俱北行照我窗  
前山影綠江雲忽起失峯巒推窗惟有波如山看江莫若看風  
雨長日驚雷繞坐間

登黃鶴樓

以下壬寅

黃鵠依然對逝波倚欄千古一蹉跎滄江勢爲高樓曲楚客愁  
因落日多武漢上游自形勝官胡遺廟偶經過書生枉負登臨  
眼奈此東南半壁何

野鶴

被服從來士不完三年去國此衣冠蒼鷹豈免饑爲用野鶴何  
緣頂自丹熒惑太微殊未退橫流滄海故難安等閑鹿幘休相  
逼只作桃椎委地看

送高子益應晉帥之辟并憶歎農夢旦

今日猶相見殊勝別後想執手天茫茫覆杯人惘惘我懷本太  
孤賴子時見廣平生言不盡積意深萬丈西北雲自飛江漢波  
已長盟鷗誰共倚沈思成獨往

歎農躬篤行而獨稱我狂狂而有不爲吾道殊未光之子嘗有  
語聞之激我腸相知縱滿世幽隱誰見詳願言從子遊楚越空  
相望孤絃不成曲寄聲獨彷徨

放懷誠有味誰能爲人計吾嘗寄夢旦天資抱經世所學必適  
用束髮有宏誓知子果東遊志業一何銳嬾雲久不起坐閱滄  
波逝無用亦自珍真人喻天際

三高如麟鳳子益尤有爲流俗不能撼何曾背時宜德星出太  
原可辟魅與魍晉帥甚愛民毋乃天相之善國來取法行爲王  
者師脫能盡其才豈異得一夔

輓丁叔珩二首

無術移常熟虛聞罪合肥詞臣私激烈國事苦乖違議禮書終  
上論兵士稍歸雖云謀不用正色自崔巍

病廢卒難起平生意遂沉函書驅左腕興學折深心伯道天何  
在翁卿政可尋死灰爲君滅鬱鬱涕盈襟

正月廿七日夜雨竟夕不寐明日遂去漢口

緣盡亦無夢勞人意未窮蹉跎五年所輾轉一宵中欲老來殘  
世安歸此寓公燈昏江漸白楚雨莫翻空

連城軍中作

一筇超人羣蟲鳥伴來去秋山樹漸紅是我登臨處  
舐糠遂及米南勢欲北埽有忌或未能老罷臥當道

氣吞龍  
州久矣

抵法  
鎮人  
南鐵  
關路

二十夜待月二首

峰明月未上流碧滿庭除空山獨吟人百蟲來和余  
夜色不可畫畫之以殘月幽人偶一見復隨清景沒



十一月廿九日率左旂兩營移駐龍州

羣山破散縱雙流蕩蕩平原入戍樓試遣勞人歌一曲倚闌斜  
日看龍州

題新闢梅廳二窗

平生縱眼殊有力超海穿山隨所擊目光注射遂無堅何物相  
遮笑牆壁去年連城千萬峯潰圍爲我皆辟易龍州蕩蕩勢稍  
平倚遍危樓終不適西廳雙窗聊一放百里雲煙收咫尺祇今  
邊帥用詩人端遣書生來岸幘欲憑秀句洗瘴癘復恃豐年拋  
劍戟種梅幽事春後情養鴨閒塘雨餘碧沉吟遠意當語誰的  
的飛鴻黯將夕

循行龍州城垣遂入同風書院訪仙巖登可思亭九月十

六日也

築城於今二十年我來登之秋凜然山圍溪抱藏萬戶西南水  
聲長潺湲北郊蕩蕩爲平原稍廣可容千騎盤東城里許得精  
舍仙巖奇巧如倒懸摩崖題名紀萬曆新亭秀聳嵌其巔亭名  
可思思底事戎首海城留此言李秉衡倚欄縱目何所見惟有飛  
鳥投窮邊光緒十一年始築此城

十一月十三日浮橋落成紀事

繞州長聽浪淙淙一日橋成接要衝布陳試馳飲江馬傾城來  
看臥波龍不愁野渡生春水最愛中流數晚峯怪底垂虹頻入  
夢連宵歸思酒邊濃

排悶二首

有懷誰與陳有恨誰與訴肝腸深可惜坐受塵土汗清輝發遙  
夜皓月已徐吐長天漸空闊相見真成故哀我落世間沈沈抱

近代詩鈔

鄭孝胥

一二十三

幽素古今不相接萬感人遲暮迴光射吾膽滌骨倒秋露  
倏然委形骸何異迷者悟

世已亂身將老長歌當哭莫知我哀

駐顏却老竟無方被髮纓冠亦太狂歸死未甘同泯泯言愁始  
欲對茫茫孤雲萬族身安託落日扁舟世可忘從此湖山換兵  
柄肯教部曲識蘄王

子嗟

四月三十日雨中作

丈夫行藏不自主坐使兒女悲別離心知世事決難挽拂衣當  
去何遲遲龍州北望山參差雙溪合流來貫之一雨三日溪愈  
馳扁舟散髮赴所期君可去矣今其時神色儻恍行水湄溪山  
笑人留何爲彼留子嗟何人斯嗟非吾徒謂我誰

題孟純孫新箸廣西邊事旁記

龍江波似箭一夕下邕州稍轉蒼梧棹遂乘南海流行歌具區  
藪歸隱海藏樓欲問來南錄名山屬孟侯

武建軍資念塔歌

武建孤軍戍南荒邊亂雖平士多亡亡者入地塔出世含哀鬱  
怒凌蒼茫龍州西山日欲落雙江奔流動城郭倚天神劍忽飛  
來雪脊霜鋒見稜鏑夾岸遙看人共指俯映浮橋斷江水瘡痍  
瘴癘意全消孤標只在斜陽裏君不見男兒爲國軀可捐伏波  
遺廟尙巋然銅柱沉埋無覓處州名猶自喚文淵

述意

弔死扶傷二載餘堅持不殺竟何如懸知胡越同舟誼遠勝孫  
吳相斫書長策猶須教耕戰窮邊可使闕儲胥誰人錯訝經營  
意規復南交計尙疎

近代詩鈔

鄭孝胥

二十四

元旦試筆

勝天由素定吾意稍施行歸老方耽學投荒久厭兵一聞春風  
至復有少年情祇恐清樽側迴腸醉不成

哭顧五子朋

自意死窮邊不復能見子歸來誰與歸得我子所喜南行暫展  
墓海上聊徙倚一歡謂可必何用書累紙豈知有茲事捨我遽  
爲鬼投袂欲相追失望對逝水眼前盡成夢萬世不我埃  
平生老縱酒惟我能切諫頻年跡稍疎念子不及亂頗聞態如  
故俗士望而憚傷哉卒坐此一醉渙其汗盍山孤可哀潭水深  
自恨畸人去不返題壁誰來看

持論絕不同意氣極相得每見不能去歡笑輒竟夕西州門前  
路爾我留行跡相送至數里獨返猶惻惻小橋分手處驢背斜

陽色千秋萬歲後於此滯魂魄爲君詩常好世論實不易夢中  
還殘錦才盡空自惜

稱疾因解兵用世志已灰尙思得佳傳非君孰能爲君雖避衰  
世浩氣殊不虧一生意凜凜可以厲詭隨願列君傳中存亡能  
幾時江西陳伯嚴爲文有古姿他年求下筆竊比聃與非

子朋  
詩

伯嚴  
示哭

贈朱古微侍郎

賢者必自愛惡能隨世波乘興恣所之投閑非蹉跎侍郎忽挂  
冠不受歲月磨掉臂山水間時來聽清歌胸中定何物觸天峰  
峨峨詩詞亦間作絕世殊白科時人急祿仕未必師孟軻終老  
長囚拘所得竟孰多

偕石遺登黃鵠磯懷白樓

近代詩鈔

鄭孝胥

二十五

城根水落轉崢嶸暫借茶寮避市聲兩郡楚山臨岸起一江初  
日抱樓生自披風帽貪憑眺旋輟藍輿試散行此去餘年幾相  
見好收悽歎付微醒

二月廿六日雨中詣雨花臺安隱寺奠顧五子朋

清明俄已過雲氣暗建業欲尋野哭地度此風雨劫顧五未入  
土扣棺奈長闔素帷手自褰吞淚久於邑當時分手易豈意遂  
難合迴思前世事迷罔魂旋接病僧訝吾狀累問曾不答我曹  
時既逝待死等荷鍤沈吟起酌酒何用戀一霎肩輿下高岡苦  
霧湧城堞照眼小桃紅泫然更承曉

三月十二日四十八歲初度是日自上海赴南京

坐思老來味零落期漸近擊碎珊瑚枝於意終有吝解兵雖經  
年世故猶相慰奔波誰汝役縮手亦霜鬢今辰愈不樂新齒恩

愛刃心知無萬全策馬突堅陣袖中銜詩本快快入吳郡形骸  
何足道所惜在方寸

平生自謂剛百鍊成繞指醜枝還著花一笑誠可已相歡曾幾  
時事往同覆水奇情誰能羈絕世騁恢詭勇決實起予我乃不  
如爾龍劍何必合小別輒萬里瑯琊王伯輿區區爲情死

傷女惠

二月九日卒於天津醫院暫厝望海寺

彌明纔十三別我已二年豈知乃死別一去更不還汝母有萬  
恨我懷抱千冤小影宛如生淚眼誰能看大錯真鑄鐵驅汝向  
天津讀書本有毒將毒與汝吞自從別汝後好語常聯翩時時  
寄手書字體頗清端從姊學操琴比姊尤熟閑絕怪絕好潔不  
飾而自妍同學從女伴愛之如弟曩誇汝輒自喜憶汝忍不言  
如何忽嬰疾宛轉遂經旬遣僕雖往迺刺促心搖魂惡電從天

來鬼刀截我肝從此與汝絕回思深可憐我欲執汝手汝手何  
從牽我欲撫汝面空想悲啼顏我欲拭汝淚却覓衣上痕我欲  
抱汝身惟有三尺棺死生事則已父女名空存向來千萬念念  
念皆傷恩東坡四十九煩惱悟無根我何似樂天悲哀念金鑿

贈高歡桐

詩書黷胸中何地堪一吐使子居諫官奸佞必敗露忽聞試第  
一彼族乃凶懼邪正不兩立事急復奚顧居然置勿用遮日手  
可怖於君究何損微哂就歸路端人遂裹足所係豈細故  
吾儕各垂老薑桂性愈辣固知不可口安得變甘滑無言人已  
憎何苦更強聒此行君勿悔惜玉寧避別苟求心所安得失等  
毫末暫遊塵土中益覺江海豁天寒病初起養氣幸勿忽

從母羅母詩

諸母各明達今惟羅母存親見事大母辛勞世所難臥起必扶  
掖動作必周旋寒燠必早覺飢飽必先關頃刻不可離母女如  
一身母食女乃餒母寢女乃眠牀有被與褥廚有粥與饘一  
女手治否則母不安母病不知苦惟覺女益艱母愈不知樂惟  
見女轉歡母活女手中如是凡數年既寡行愈高教女兼撫孫  
深入德育理默化若有神蠢者失其昧頑者棄其嚚不煦彼自  
柔不怒彼自馴遷善競自媚改過且不慳日遷於上流孰知所  
由然前年自濟南奉迎來海濱家人未聞道朝夕使相親上下  
知敬愛莫能窺其端今年忽思歸有廬依烏山山兜連巷尾兒  
時所往還往事不可思思之在目前諸母與吾舅誰言謝人間  
吾母行第四厭世早生天或言胥似母此事誰知焉作書啟羅  
母秋風幸回船隨遇儻可安聊欲營一椽細詢吾母事書之爲

長篇當令天壤間矜式諸母賢

海藏樓雜詩

奮身欲何往盤空殊未安高樓一日成截然如斷山脚根愈堅  
牢世態愈等閒羣囂不易到鳥語時間關道人袖手人所患猶  
多言今年有新得稍簡應對煩獨居不負樓種松待參天妻子  
真我客歡然來扣門

露臺性宜月我性愛登臺月豈與我期臺成月自來從遊者清  
風披襟共徘徊便當凌霄去惜我非仙才人間實汗陋孰能委  
形骸可憐玷風月撫膺暗生哀碧海連青天月逝我獨回  
樓東多栽竹寄意在避俗頗聞人驚嗟新竹鬱已綠凜凜十萬  
夫森然態何肅微吟向風前和我以戛玉吾詩豈輕作對爾詠  
不足未須矜歲寒且爲解熱毒

移櫻四十株穠麗會成列心知非我春耿耿意不滅當年空能  
狂過眼纔一瞥對花欲抉目積恨誰與雪猶餘惆悵味老去未  
忍絕刻意仿司勳傷春更傷別

卿士楊哲子偶然出國門登我海藏樓示我海月篇其辭哀而  
傷使我久不歡世方忌子名悲歌聲宜吞能去何足奇不去人  
所難莫學汲長孺上前論積薪翱翔公卿間不失箕子仁豈羨  
海藏樓辟色復辟言

吾樓雖甚壯高寒難久居長安居不易視此定何如缺月上稍  
遲光彩鋪平蕪茫茫墜碧煙誰辨樹與廬幽人一再起已是四  
更餘闌干獨來倚涼風裊衣裾吳姬歸夜闌馬蹏騰九衢千燈  
出林影照乘霏明珠向曙忽隔世喧寂理豈殊

幼時學爲文獨喜柳子厚斷刑與時令熟讀常在口近人尙桐

城其論深抑柳陽湖實支派相襲亦已久柳文彼所輕學柳更  
何有奇人吾煒士愛我忘其醜咨嗟媿室辭沈至信高手子亦  
毘陵宗胡不憚衆詬損名勿輕言意子適被酒

二孟天下才意氣不盡同少孟似賈誼長孟真揚雄出言爲布  
帛孰與少孟工微詞有千秋誰追長孟蹤吾獲從之遊相逐猶  
雲龍一時幾豪傑萬古羅心胸

密雲久不雨日色淡以幽坐聞風蟬聲颯然已成秋蕉葛愜初  
涼紈扇可少休委心得無爲直與造物遊形骸猶可用所樂在  
此不捐書苦未能多專真吾憂

遼海程中丞其身已許國以書招我遊意我方懸的時賢坐躁  
進未免就枉尺何如姑養氣期與天地塞已重物自輕此局或  
可奕

倚樓聞妙香心知必有異披衣行草際初日未到地叢蘭雖競  
開微甘豈高味幽尋入籬側泠泠襲露氣一花藏深碧冰雪抱  
殊致踟躕欲却步絕世難逼視素心非吾侶自顧果形穢端逢  
姑射仙綽約方掩袂悵然不能去有意在塵外

雨過雲亦歸林氣重不散滿月如帷燈隱約出天半須臾碧將  
合粉彩發璀璨銀波漸流空溼霧漲瀾漫園林遂平沉樓閣若  
隔岸登臺攬明鏡照膽不可翫寒光來逼身左右晃凌亂凜然  
赴奔潮露頂白虹貫一涼遽至此始有秋風歎

義寧賢父子豪傑心所歸伯嚴不急仕峻節如其詩栖遲對蔣  
山睥睨鬱深悲天將縱其才授子肆與奇神骨重更寒絕非人  
力爲安能抹青紅搔頭而弄姿昨者哦五言緘封肯見遺發之  
惟鶴聲一一上天飛高談闢戶牖要道祕樞機願聞用世說胡

爲靳相規噫嘻戊戌人撫心未忘哀大名雖震世豈如我獨知  
物生必有耦二者道之門俗士務執一百世成爭端寒暑與晝  
夜相需不待言彼此各是非孰能爲平反聖智坐未達箸述迷  
乾坤強同誠可哀末流遂滔天摩厲得發明轉戰亦競前哲人  
非世用宥之入自然

合羣時未來衆勢若易散相安三百年可慮在滿漢外族方侵  
凌萬鈞繫一綫幸君毋絕之失手且糜爛漢存滿自安其意豈  
好叛誰令走胡越迫之乃驚竄惜哉無大臣獨立濟時難棖崩  
僑將壓子產空悽歎

秋風卷地涼秋雲漫天白雨氣欺日光晦明忽殊色廣除草未  
黃竹意稍蕭索此樓雖物外傲物非崇德世間孰堅脆一逝等  
過客完茲獨往興於我如有得

樓中好雨聲入夢猶有味曉來一推窗晴麗足佳氣花竹如新  
沐弄日獻百態身閑聊自悅徙倚卽世外抗聲咏詩騷隨風入  
天籟橫空嘯鸞鳳過客或驚怪誰知孫登狂不與稽阮輩

秋深氣數變早覺因始衰息燈寒稍入幽幽如相欺布衾頓不  
支腹鳴輒欲遺晝動而夜靜遂悟此理爲起行遶室中運氣達  
四肢徐令血充體煖力歸腰圍濟勝須有具筋骸非曩時獨寐  
還晤歌夜色付與誰

湯趙走相語南皮昨已薨鬱鬱此老翁其意寧樂生一生抱忠  
節舊學頗殫精惜哉如紈扇秋至難施行公常稱我詩謂非世  
士能江湖雖浩蕩隱媿知己情年年泥憶雲今日殊幽明病中  
必見恨此恨終冥冥

抱冰堂中飯餘味猶在腹別時恐遂絕所欠惟一哭棄官如棄



世用意固已毒知公疾我去積憤亦殊酷偶然見其詩失歎不自覺却求爪雪卷感念定何觸功名果滅性並世迷九曲子期既云亡高山欲誰屬

南皮往論詩頗亦執偏見素輕王右丞於詩乃尤訕詩人陳子言所學最矜鍊以余比摩詰境靜詩愈遠輞川有奇興真味不容亂君其追裴迪和我竹里館

螫仙將入覲忠憤不可當我欲三薰之少安莫怒張事君信乃諫未信必兩傷百傷亦不惜知子抱烈腸天下事之大氣平臂奚攘覩子樸直姿當使羣疑亡多言定何益無欲誰則剛朝廷患多欲孰知我非狂

石遺失其偶孤吟稱老鰥故山愁獨歸豈如寄朝官下筆不自休神傷賦蕭閒江郎才未盡晚景尤悽酸別來肆於詩皮陸可

躋攀鰥夫與冷宦氣味極相關流傳悼亡作微之何足言

昨宵不成寐稍倦上燈後閉門更强坐睡味如中酒對書輒瞑目執筆屢脫手意中謂殊蚤數起自斗藪俄然若不覺驚覺風怒吼朦朧疑雨至窺牖粲星斗

寄禪本才士爲僧名轉盛見嘲壬秋翁鳥瘦心所病今年學寒郊風味頗峭硬雖云六十化未免近餽釘山人當自壽雄據天童勝以詩作佛事四海必響應聊爲童子戲直入散僧聖

古稱鞠有華獨以黃爲美何時種始變爛漫如錯彩燕都重細株虎鬚必登几九華與金管堆眼衆莫喜揚州花稍奇過江似難比滬濱盛花事佳植鮮入市吾園緋與褐殊態各倣詭瘦瓣捲綠心含意藐金紫閉門獨婆娑幾日風雨裏聊與花爲徒呼酒試酌彼

枯坐欲成夢寒意侵兩膝起看天如磐乃有數星出披書漫不  
省伸紙復弄筆舍此窮生涯娛我更何術少年心未盡悵惘若  
有失沉思旋自哂世味孰可悅惟當持一念期與造化滅冰天  
雪窖中何事戀餘熱

孔子語聞道乃曰夕死可聞道知幾人死者蓋已夥讀之每失  
笑求道計殊左道自有生死安之實在我畏死而樂生死遂爲  
子禍吾今伏孔子敢死氣磊砢彼云魂有靈亦未脫韁鎖

北風葉盡飛樓閣乃傑出高處雖甚寒苦自懸斜日夕鳥何所  
歸原野頓蕭瑟隣園蓄蒼翠彌望桂與橘誰令愛春華衆芳有  
時歇悲吟原不讓枯槁性所悅聊將窮年悲酬彼芳菲節

拔可自山塘遣船致雙楫聞之喜不寐隔日信始達園丁趣往  
迓擇地坎先掘入門勢夭矯鱗鬣翠欲潑栽時躬審視築土務

堅實植援護其幹枝葉忌磨戛舉臂試忖量官尺逾七八齒應  
與吾等乃爾成俊物徘徊走復來吟翫至日沒竟夕爲渠愁時  
聞北風刮

遼東已難收遼西事欲去諸客方闕堂主人向何處東隣假兵  
力移民亟盤踞竟圖數年間逼我以生聚列國知其謀染指競  
借箸吾民如寄生覆巢在旦暮國亡定何狀覩此應可悟朝端  
誰人傑鐵錯煩屢鑄永貞劉興甲訪我如有訴吾聞二子來舉  
足不及履見渠先致唁聊以沫相煦及今猶可救投藥勿再誤  
遼民休酣寢人事委天數

守國知以兵何如守以民無民孰與國恃官終難存吾民弱至  
此久散不能羣救亡事雖急翻欲治本原揚湯以止沸豈如去  
其薪滿蒙苟相合不下千萬人部落得漸強地利誰能分交通

實上策速決胡邊巡錫公持此謀程公爲我言我許爲一行暫  
爲諸侯賓悲歌極慷慨老去彌苦辛

萬物役於人見用乃爲貴是豈萬物情誣之因自遂試看鶴乘  
軒孰與翔天外惟人有殊性狗意終不悔少游與文淵兩已適  
相背平生吝輕擲老去若可棄每思犯至難頭壁誓俱碎惜哉  
時無人誰解賞雄概樓高意萬里縮手久不快倚闌更少留安  
閒故常態

東北劫愈急問策乃及我樓前招片月仗劍向遼左強隣久阻  
兵跨海置遮邏吾民被迫逐待斃但僵坐其鋒誠難爭善守抑  
猶可杜回有時顛食報在魏顆姑求振民氣申傲首媮惰死灰  
儻復然行見陸渾火人言柔勝剛精鐵綿與裹試探囊底智籌  
一不須夥

七月二十三日入都居賢良寺

前朝夢斷十三秋闕下車聲在枕頭胡騎黃巾歸稗史劉郎道  
士各山邱自殘母子恩同盡永訣君臣恨未休身似銅仙攜盤  
去回看鉛水淚難收

答諸貞壯

如許元規塵汗人能來暫對共悲辛奔車未必無尼父中坐何  
曾見伯仁隱几市聲消晚日穿廊禪課動比鄰看君玉貌平原  
客心膽輪囷豈帝秦

八月二十六日遊萬泉河

俗呼小河沿在奉天東門外

瀋陽無山沈戰氣秋色真從萬里至繞城何處可登高憎見諸  
羌踞僧寺北俗雖豪缺風雅鬻集屠沽作都會東門聞道有泉  
源便覺清甘起人意碧波潑洄僅十畝傍水居然蘆滿地殘荷

過橋香自遠，禿柳數株堪。  
小憩若能營此作，園池種樹置亭亦。  
殊易縱民游，觀資養性豈非從。  
政所有事沉吟徙倚，誰與言自怪邊塵損文字。

人日立春羅揆東邀集四印齋是王佑退侍御故宅

以下辛亥

適從何來如有亡，坐定追省嘗此堂。  
瘦公爲我道前輩，諦視齋榜增悽傷。  
京曹風味略似舊城南，歎詠饒鋒銳。  
戊庚以來幾陵谷，諸子何戀能徜徉。  
春非我春人非人，莫及國論相否臧。  
九衢東風塞荆棘，銅駝索靖徒慨慷。

送胡瘦篁侍御出京

逐流病未能行道，嗟有命踟躕不忍去。  
始見君子性，讀君言別詩，烈意出，淡定浩然孰能止。  
尹士惡知孟諸賢，抱餘惜累餞，若未稱去留志，雖異微篁各爲正。  
繫予久自放情，直行頗徑驅車。

偶過闕心不善朝政，挽之既甚難，誰敢問究竟。  
酒壚共取醉聊以助歸興，剛腸儻猶熱，未免顧破甑。  
江湖不寂寞，或者天可勝。

馬通伯屬題姚惜抱劉石庵行楷卷子

明人尙閣帖香光始一變，國朝競學董闈然。  
似鄉愿夢樓猶側媚，覲作吳姬面，姬傳稍勁秀。  
董鬼終入腕，後來有南園，縱筆絕傲岸。  
紛紛女郎耳，此士真好漢。

姚卷

安吳論書家欲下石如拜鄧書，殊非雅惡札。  
豈可耐石庵號蘊藉，堆墨作狡獪，未若何道州。  
斫陳不挂鎧，何筆晚苦驕，鬼駢近俗態。  
出林喻飛鳥，我意在無礙。

劉卷

二月二十二日集陶然亭

水光明滅入高寺，戴雪西山耀天際。  
推窗滿眼是江湖，今日江亭最清麗。  
江亭佳處在一曠，十丈車塵隔人外。  
下車登閣似登

山步步層層帶吟思林梢草根動黃綠觀闕遙空隱丹翠清談  
何必遽流涕坐送斜陽足餘味小丘迤北特孤聳於此置樓有  
殊致若能張鏡吸山光臥看方知勝閒對我來數句本閑客况  
值胡公懷去志諸賢儻念會合難莫惜看花數聯袂

潘弱盦招遊極樂寺余以事未至

春歸人去轉悽其

皆瘦山腴

詩社闌珊欲付誰如許汚人塵十

丈閉門花事不嫌遲

是日大風

父兄持我來遊日三十年來夢未忘但詠弢庵詩足矣可堪重

至國花堂

殘補作詩亦

趙堯生招集法源寺

相從追餘春別近願數見復此雙枯下談諧接諸彥與君知漸  
深片語輒稱善未來孰能料拭眼待千變吾謀適不用堅壁勿

浪戰酒行言又發何異弦上箭

七月二十九日詣白廟胡同寶宅壽伯弗夫人出見

竹坡菊客慘相隨誰信諸孫骨亦灰登榻招魂如見款

戊戌來

嘗坐此室

入門掩涕更增哀不祥名節嗟爲崇一往清狂渺此才

還向壘孀想遺直可堪憑弔到狐貽

伯弗妻父聯公元爲

捨飯寺

燕市秋衣已化緇高樓何處問歸期西風斜日無人院乞與  
官作住持

答樊雲門冬雨劇談之作

久於南皮坐習聞樊山名老矣始一見趙璧真連城落筆必與  
瞻中年越崢嶸才人無不可皎若日月明春華終不謝一洗窮  
愁聲南皮夙自負通顯足勝情達官兼名士此祕誰敢輕晚節

近代詩鈔

鄭孝胥

三十五

殊可哀祈死如孤惇其詩始抑鬱反似優生平吾疑卒不釋敢請樊山評

嘗序伯嚴詩持論闢清切自嫌誤後生流浪或失實君詩妙易解經史氣四溢詩中見其人風趣乃雋絕淺語莫非深天壤在毫末何須填難字苦作酸生活會心可忘言卽此意已達

窮愁良易工憂患寧愛好奮飛挾世網結習猶煩惱午怡論詩骨見謂飢不飽心知小潺湲河海愧浩渺何期樊山老閩荔喻益巧荔甘而詩澀唐突天下姣庶幾比諫果回味得稍稍嗜澀

轉棄甘攢眉應絕倒

夏午怡贈詩云世人無此骨餐之不療飢

### 過义袋角呖盒所居

有樟騫雲鵬有藤竄修蟒衆木紛蔽虧翳若張天網繁枝上交陰盤根下錯壤迴飈不能振鳥語閼幽響夜氣晝不開日色含

莽蒼河流繞其外穿漏微眩晃森森百餘樹樹樹堪俯仰誰知入林樂遂古涉冥想拊楹試一嘯驚視來罔兩詩心正厭世得此恣獨往何當風雨夕瞑坐搜萬象勿愁語太玄寥閬吾能賞

### 幽思

幽思破殘夜禁寒彌惛悽野蒼霜氣白窗曙月痕低我倦不能寢雞鳴真欲啼旁皇殊未已覓句奈無題

### 答叔伊

荒池老樹皆吾夢夢境故人聖得知二十九年煩省記只能尋味不能詩

### 殘菊

秋來舉醖尙能空日日東籬繞晚叢老去詩人似殘菊經霜被酒不成紅

十二月廿四日伯嚴仁先冒雪見訪

倚樓三士送殘年有酒無肴雪滿天薄醉愈知寒有味放言自  
覺道彌堅收身遺子雖人外歷劫沈霾奈死前便欲將君比松  
竹離披相對轉蒼然

雜詩

前身爲老卒夜夜登戍樓一生看太白不知春與秋今我復何  
爲山川非昔遊杜門獨長嘯兵戈送白頭夙根殊未忘聞雞如  
有求終年起殘夜哀思變明幽世亂須至人安知非楚囚及我  
老未衰爲君著兜鍪

往時慎論人自謂不輕許豈知無一中非璞故爲鼠過言雖可  
慚捫舌駟何補正欲章吾妄且以戒羣豎文字都莫刪留待天  
下數冥冥易墮行敢責平生語披猖旣不返憫默將誰與攬轡

待澄清晚蓋或有取

陳叔通屬題江弢叔墨蹟

拔可梅泉皆善詩聞我說詩必稱善近日獨推伏敵堂筆力精  
深語能淺詩境尤難在逼真落落江君去人遠拔可初示缺後  
卷未知所終意不滿梅泉詣市立得之異哉江君神所遣叔通  
復示江筆迹逸氣票姚紛照眼詩中頗自矜其書忽來此卷手  
中展斯人冥冥想顛倒急覓知音苦難緩名心未死深可哀文  
字沈埋誰解返

余以戊戌九月出京至庚戌七月復入京凡十三年有詩  
紀之辛亥九月出京至癸亥七月入京亦十三年且出  
京皆以九月入京皆以七月悟而嗟歎自念生逢世亂  
窮老無所就復爲此詩後世或有悲之者

世棄天留等可哀  
黍離荆棘更能來  
還從銅輦尋殘夢  
早向昆明辨劫灰  
吞炭漆身殊未避  
觸山逐日漫相猜  
兩朝國士虛名在  
駿骨聊堪比郭隗

近代詩鈔

顧雲

雲字子鵬號石公江蘇上元人諸生官訓導有盍山詩錄

石遺室詩話石公短而肥古貌古心豪飲能散文詩其次也獨與蘇堪之瘦而長不善飲者甚相得余嘗謂蘇堪詩爲石公作者皆工今選石公詩亦爲蘇堪作者較工

省竹吾疾有感四首

錄一

老屋欹風雨淒然一榻橫  
奉身惟有病握手若爲情  
汝自櫻憂患人誰託死生  
白頭餘祖母藥裏慘經營

桑根師大葬禮成拜別口占



東上青龍岡西望鳳皇塘中有殯宮在雙松鬱蒼蒼再拜墓門  
前涕淚橫霑裳弟子自此別去路修以長如何無一言俾之誌  
弗忘安能掖吾師起坐雙松旁搥衣奉几杖笑貌都如常戒我  
性多迂勉我欲勿荒怒我言戇直喜我神軒昂深情故若揭一  
往傾中藏已矣不可得幽明途竟妨桑根山下路征騎嘶斜陽  
欲去重回首雙松爲悲涼若知師弟子存沒同心傷西下鳳皇  
塘東望青龍岡

題劉毅傳後

義旗舉京口二劉故匹儔功成職內外權勢遂不侔裕也將移  
晉乘輿如贅旒慨然抱忠憤惟毅據上流矯詔誅異己實爲禪  
代謀一死蒙不韙誰亮杞人憂王淩諸葛誕昔亦賦同仇志欲  
匡魏室相與厲戈矛史氏工附會疑若畔逆尤傳信義安在下

筆成繆悠幸哉何無忌正命先江州

移居益山四首

錄三

廿載歸鄉閭移居凡十度茲山嘗寄孥未至意先注多情嶺畔  
雲無恙谿邊樹魚鳥亦欣然與我皆雅故一屢謝世囂千卷載  
家具小住慰勞生豈曰山林誤

吾師主壇席一廬構山中位置參郊島

桑根伯處句薛廬之役

時來

坐春風日月忽云邁邈矣穎上翁平泉卉木黯畏壘拓石崇我  
亦埽除隸薛廬落成伯處有講舍依雞籠半生一知己感念心  
何窮

鄰有素心人買免錢千萬

伯處居惜

過從靡昕宵上下同議論

興來貰香醪深杯持共勸高山流水閒相與筮嘉遜迹比嵇呂

親遊豈惠莊遜卻憶簪筆者耦耕成虛願

謂夢

題益麓祭詩圖

同人薛廬祭告其成鐵梅因圖之且徵題

詠會者凡三十人

乾坤未可絕風騷文讌還應屬我曹南國簪裾佳日集西巖館  
舍切雲高塵氛暫謝人閒世圖畫都增頰上毫勝地名流修祀  
事一時嘉話最堪褒

偕蘇龕登翠微亭有感

故人清發比元暉要我相將躡翠微亭畔乾坤殊不隘江流衣  
帶且同圍如聞邱貉曹曹睡中有林蜩欵欵飛遠望長吟聊取  
適澹雲微雨未須歸

雨中喜蘇龕枉過留宿山居卽事有作

憧憧陸海中閒者惟二人一處益山麓一棲淮水濱笑言阻索  
居風雨愁蕭晨豈期駕倏命仍此物外親濃陰縛几席佳釀清

心神延賞極非想放論彌無垠斯世非我世蘇龕語羣倫當誰倫  
尊前黃虞邈潭上煙波新永夕理嘯咏奇懷歛輪囷短檠移奚  
童高枕鼾嘉賓言念過從日何必非隱淪

冬日訪蘇龕因過吳鑑泉學廉溪上草堂五首之四

子真尋谷口曉逐陣鴉行徑折烟嵐變天寒笠屐輕叩門成薄  
憩別業攬孤清卻念長河北歸人一劍橫鑑泉字劍隱  
縛茅仍劔土小構卽幽棲林壑殊平遠軒楹可取攜補梅香暫  
勒移竹節同齋別有翻新處淮流日夜西  
地偏時復暇稱此景蕭森雲氣籠檐隙冰紋坼岸陰籬新紆過  
客樹遠立寒禽小坐冬心證冬心蘊最深

領取閒中味禁寒有幾人澗松僵到骨畦菜老生鱗樵迹緣隄  
杳春聲隔巷頻賦詩娛獨坐持較武功新蘇龕有草堂詩九章謂擬姚武功又論詩

獨貴  
坐娛

冬夜薛廬卽景

一卷山齋自可親  
宵闌漏下且逡巡  
寒光迸皎中天月  
迴立忘言獨夜人  
鶴夢警霜詩共峭  
林陰度水畫難皴  
曾聞舉世嗟皆濁  
此地何嘗有點塵

近代詩鈔

林紓

紓原名羣玉字琴南號畏廬福建閩縣人光緒壬午舉人官教諭

石遺室詩話畏廬自謙其詩謂少作已盡棄斥近年始專學東坡簡齋二家七言律余謂題畫諸絕句有突過大癡雲林者未可盡棄也

雜題

蘆蕩不可見竹雞亦好聽  
絕憐歸路迴溪暗一林星  
爲太夷作畫

曾從留下過秦亭  
無數雲松作隊青  
飯飽僧寮無別事  
長廊坐看少微星

近代詩鈔

林紓

一

一

年來酷似藍田叔復社詩流頗見知  
寫寄漢陽江上客看山莫待晚秋時

雜題

時時昭慶寺前過三兩梧桐蔭酒廬  
我自關心南宋局旁人只說重西湖

水榭蕭蕭弄薄寒哦詩偎熱碧闌干  
江南江北多紅葉畫與詞人一路看

百折扶欄搭柳絲鶯囀草長禁煙時  
房櫳容得春多少長日湘簾踈地垂

寫蘆花小艇

曾記西溪載酒時櫓聲軋軋入蘆漪  
不知渦水南僧壁尙否留吾數首詩

溪上小樓

長日松聲聒枕頭何人來上水邊樓  
年年供菊兼儲釀樊榭祠南過一秋

雜題

晚葉蓄秋絳曉峯蘇夜青二年京洛客  
夢到望耕亭

下關寓樓望鍾山隱然欲訪蘇堪故居未果卽題其集

望裏鍾山勢鬱蒼却從月下想濠堂  
欲尋前迹無三里別構高樓已十霜  
溪水還留曾照影櫻花久作避人香  
善夫慣吐酸心語那復酸心似海藏

自徐州看山至浦口

心上江南日往還今朝眞箇破愁顏  
通宵詩思偏無月數里徐州早見山  
頽綠尙饒秋望美片雲如傲旅人閒  
衆喧止後潮初

上坐聽江聲過下關

過海藏樓

不履京華已五秋居然身世近梨州老來鬚髻仍當日海內文章僅此樓餘痛還爲天下惜先生真解死前休陸沈彈指無多日却幸忽忽續舊游

得石遺書寄懷

累聚境易忽暫離味彌長石遺去秀野桃李荒深堂柴車三過門伏軾思吟觴比聞生壙成屏衛多松篁清江面千帆明滅如瀟湘作達已非易知止何不臧華士味勇退臨老忘深藏吾子矢狷介豈惟能文章卽不構喪亂歸耕亦有鄉庭梅方盛開幽香滿琴床萬綠闕柴荆款關惟何郎梅生勝侶日夕合搖搖燈燭光酒半忽念我風前書數行迹睽意則親耿耿遙相望

送石遺南歸

明知行促故牽裾門外新泥已濺車時大雨名輩漸稀君愈貴清貧能耐計非疏灰心肯挂滄桑眼索畫仍描水竹居病起定饒相見地風前不盼雁來書

至滬上居夢旦寓樓濤園三兄弟匪日不至賦呈一首

偶隨北雁向南飛十五年來暫息機有夢不離湖上寺無聊但鐫雨中扉枉拋勝概詩情減坐失流光我計非笠屐俱存何所惜忍言病馬不任鞿

偶成

漸說烽烟靖七州承平自謂願麤酬不期今日天還醉敢厭勞生老未休經亂真如溫昨夢傷時只好託春愁何年再得臨安住收取吳山入小樓

寄石遺福州

長安扇暑風市塵翳尋丈兒女趣園遊偶出意頗強時彥集若  
蝟聒耳故扇獎塵狀挾僮語白日接魍魎觸之輒頭痛戢足禁  
交往石遺書斗至令我發遐想明月照流水夜盪西湖槳雛柳  
纔敷陰尺葦若成蕩亭榭固非多受月頗宏做脫衣去鞢韞船  
臥至蕭爽閉目擬蹇態幻境出俯仰妬絕詩人福羈客詎堪仿  
我昔居瓊河繪春園半蕪種芋拔梅花斫竹闌雞雛丹荔幸無  
恙盈盈絳羅襦積渴久思甘天海爲之區石遺獨飽啖口福誰  
則如方回非常奴絕技能烹魚供養萬書堆用此酬勤劬我但  
食餽飢誰復憐清癯

年來詩力堅脫手難顛撲恣爾所欲語初不患屑禿章句加絺  
繪輕若被紗縠近詩和耕煤飄然墊巾角自關功候永無罅足

尋日海藏貽近著洒洒富篇幅雜詩至工妙燈下恣百讀時時  
見淳蓄道貌日矜肅蕭寥龍州作鬼氣出篁竹白蓮清夜明足  
爲阮亭續持以較石遺莫辨絲竹肉同譜獲二妙襟靈冠閩族  
韓孟真雲龍拭目看追逐

寄題石遺皆山樓

卷簾是處是青山用放翁句目力應無片晌閒何用四時將竹轎居  
然萬綠滿柴關我疑清福歸前定天許先生隱此間一事最教  
人健羨看山兼看鳥飛還

雪中懷石遺

朔風吹雪徧金臺遙想鄉園梅已開懷舊頗傷臨老別對燈滿  
望寄詩來艱危共閱無窮事彼此還留未盡才更莫銷磨鉛槧  
裏西湖端可置吟杯

春日齋居

燕子飛飛傍小堂沈沈不放出簾香却經寂寞生詩思漸近清明見海棠酒盞固難離客子錫簫還自憶江鄉地爐撤後羊裘解坐覺牆西日影長

題畫

眼中風物似杭州不到西谿二十秋江左已成藩鎮局臨安是  
否屬錢鏐

平生心折許先生光祿詞人最有名長念孝陵心不死青山只  
畫石頭城

沒個人來且閉關林巒迴合屋三間神頭鬼臉知多少只有青  
山且好顏

新詞我笑張春水淨洗花香作麼生爭抵道人空色相長年只

聽出山聲

粉本新翻戴鹿牀碧雲搖曳竹間莊故居憶在蓮塘路盡日楊  
花入草堂

老樹無聲水不煙危峯一白欲窮天任他澈骨寒威重不到袁  
安臥榻邊

夾岸桃花似渥丹漁郎清曉冒春寒仙源不畫非無意正面文  
章着筆難

焦山遙對金山塔玉帶曾留最上頭三兩估船弄簫管却嫌無  
地畫揚州

熙昫帶雨沒參差却憶漁洋有此詩今日江南風雅盡不勝耆  
舊感康熙

昫谷太守之蜀作江行覓句圖送別賦此

生平不識嘉陵道却寫夔巫上峽舟爲愛詩人能作郡聊將畫  
卷紀清遊從今編集多新語沿路聞猿及早秋日日推篷山色  
在知無餘地著離憂

題明湖小隱圖

疎葦搖涼月滿汀明湖柳色似西泠至今歷下亭如昨身世偏  
非王阮亭

吾鄉十研隱閩南亦有藤花半畝庵竟與詩人同樣本畫樓斜  
日柳參參

贈李拔可

觀槿才逾姚合清偶傳片紙藝林驚風懷懺盡歸通峭格律嚴  
中寓性情海上十年看世變中書一出負時名千秋不墜辛夷  
業天子聰明俾早成

金陵城外懷陳伯嚴

廿載傾心陳散原石城永日閉柴門詩源遠溯孟貞曜文境醇  
如虞道園不仕自然全晚節得名何必過高軒海藏樓下饒花  
竹果否能來共一樽

樂清舟中望大溪寓樓久不至

舟中暮色迎人起屢問長年到未曾田水赴溪微作瀑露螢過  
竹遠疑燈岸泥無地尋篙眼鳥寺回頭記塔層塔在海門賴有稱身  
藜杖在山亭準備曉來登

由石門入山道中口占示夢旦稚星拔可

似聞草木發奇芬沿路峯皆斧劈紋瞬息陰晴終作雨高低松  
栝偶來雲響泉墜澗前溪應危徑穿山積綠分竹轎飄然空翠  
裏林巒轉處待諸君



五月六日陪螺江太保及諸公遊釣魚臺賜莊

平泉草木路彎環白髮元僚共往還紅藕香中憑水檻綠蕪盡處出西山各含詩思都無語不料勞生亦偶閒半壁東南腥穢徧吾曹却在畫圖間

鐵城障

此障誰加漆居然號鐵城綠封疑路斷天豁助灘明石狀時時變山容漸漸晴十年靳幽賞今略慰生平

五月三日至小龍湫宿天柱峯下蔣氏兄弟屏霞廬

羣峯如堵牆盡處出篁竹赫然見天柱撐空聳奇綠展旗名峯相拱揖軒秀含真樸余足且怡蹶夾掖資健僕麓然入荒翠升俯布巒麓屏霞疑建標歷歷上畫幅抱拱致殊佳綰接勢非複顯勝努巖張內歛陰岡伏雲際小龍湫發聲震壑谷澤弗窮所趨

梗險患顛仆樓窗忽聞雨細泉日滲漉下匯成深池上仰巖勢蹙流雲如輕紗瞬瞥翳羣木蕭然斷樵忙壯哉此林屋心儀剪刀峯冥眴亦森肅明日能仁寺襍被巖下宿

歸舟至澤國鎮值雨

墨雲盛處歛殊陽水榭停舟傍飯莊獨樹臨溪迎雨勢亂蟲入店聚燈光忙中未覺衣襦濕坐定纔聞笋蕨香眼福本將辛苦換任他木末擺琳琅

自靈巖偕諸子至大龍湫

靈巖古神鄉信次日嗚噓開軒峯巒集紋竅綠斑駁藥藥苦山雨一暝接晦朔十里距龍湫荒尋頗惴縮坐恐山靈笑責譙吾豈覺侵晨命籃輿犯雨入叢薄鬧灘湊琴筑奇石礪齷齪抱竹團焦隱偃嵇山田錯眩深睫爲交踏險氣且索荒漫若無覩朋

息輿夫脚斗然聞水聲忻悵且交作陰巖列積鐵壑峭動魂魄  
半天發龍吼初不挺頭角一吐空際白立洗人間濁發坎麟甲  
重墜澗紗縠拓隨風飄珠塵得日耀瓔珞吞漱孰伸仰飛濺難  
捉摸瓏璽到此極何心羨吳嶽雲與草木合軋芴兼蒙絡綠淨  
爽心目青濕透履屨聊向石亭憩敢擬神湫濯環景此一嘗夢  
境亦卓犖吾生苦紛泊得此聊自藥

近代詩鈔

唐晏

晏字元素號涉江滿洲人光緒壬午舉人官陝西口口  
道有海上嘉月廛詩

鄭孝胥序涉江道人之詩不甚爲詩所囿莽蒼詭博任  
心而揚探喉而滿若讀神異經若效古風古八變歌  
飲酒諸篇漸離之擊筑歟雍門之鼓箏歟吾惡得而名  
之

石遺室詩話元素明達事理雖身未造有哀痛而無憤  
激集中感傷故國諸作極似金之元裕之元之丁鶴年  
偶成

石橋東畔畫闌西十萬垂楊入戶低雨後蒼苔綠砌長春來黃

烏亞枝啼美人罷舞花盈陌  
帝子來游月滿溪  
惆悵春風似相  
誤白衣蒼狗太低迷

和芷姓追昔遊韻

十年湖海覓安居  
應悔豪情未懺除  
病肺年來深止酒  
洗心老去厭窺書  
他鄉白髮生蓬塚  
故國青門共莽墟  
拂袖東來閱滄海  
成連高調竟何如

中原派別判鴻溝  
不敢公然仗劍遊  
晴雨至今爭蚌鶴  
元黃誰解辨鷹鳩  
戈矛戟刺空森列  
尊敦盤彝且獻酬  
竟日高翔終不下  
機心最苦是閑鷗

萬家擣帛起秋碓  
傷盡吳兒木石心  
青翰何曾歌繡被  
白頭有婦哭著簪  
空中樓閣原成幻  
夢裏華胥豈易尋  
聞道靈均天不問  
衰顏澤畔自行吟

小窗晨坐繹黃庭  
無事西方止觀經  
默坐無言求鼻白  
當年有客見眉青  
從來傍海容蘇葛  
果否蓉城主石丁  
林際春申君不見  
高吟奇句與龍聽

感興十首

海上窮居閱歲年  
麴生風味向渠偏  
長龍瘦蛟浪翻海  
老兔寒蟾人夢天  
盤古未知花有劫  
康回殊恨史無編  
誰開十二萬年例  
過耳秋聲真灑然

化工也覺費評量  
虛遣靈均賦九章  
桔梗花繁豨可帝  
杜鵑聲苦厲憐王  
底須蠹簡窺元圃  
大有瑤函祕鬱岡  
朗朗口口口不  
息風輪劫火爲誰忙

誰遣蚩尤造五兵  
至今餘禍未能平  
哀黎板蕩將三歲  
怨魄辛酸到九京  
天上游雲幻衣狗  
世間側徑鬪狸鼯  
分明蕩蕩便便

路偏向盤紆險處行

故園松菊任荒蕪瓜芋相僑共一區半世危牆爭負版十年羈  
宦感蜘蛛惟餘楚客辭懷在會得蘭成賦意無日月遷流人事  
換數莖短髮日蕭疏

名心已息久忘機那更楊朱泣路歧東海本非銜石塞南山豈  
易荷鋤移半生風味青鐙共百感情懷綠酒知閑倚危樓聽夜  
雨未能忘却東籬

自笑平生百不能老來情味澹於僧黃花酒棧全彭澤茅屋秋  
風困杜陵石馬聲嘶咆素月銅仙淚滴漬紅冰一編抱朴神仙  
傳憑弔蒼茫感廢興

觀書止圖取遮眼當世不知誰仔肩鷄搶鵬搏同一舉雲垂海  
立又經年出門無復客西笑仰面但看天左旋欲鑄黃金買東

海幾番絃絕向成連

睡起頻搔兩鬢絲晴窗坐見日車馳墜難更起碧天上窮無復  
之滄海涯七載只今仍瓠落九州何術洗瘡痍亭亭煙縷凝香  
篆默對心清祇自知

生事於人百不如老年蹤跡溷樵漁銷殘花鳥三春興閱盡風  
雲萬變圖茶鼎清聲號竅蚓塵窗隙影舞奔駒世情自古成兒  
戲美惡年來一語無

悔不窗閒老一經無端見此谷爲陵室家見適憂風雪車乘相  
招畏友朋一室滯留黃歇浦十行塗抹剡溪藤賦詩漸覺和平  
少筆挾霜威字有稜

讀神異經

東方有善人朱衣復元冠男女恒恭坐詎肯相犯干已事實不

近代詩鈔

唐晏

三

理力拯人所患好笑夫豈諂慎辭乃其端反爲世所嗤目之癡  
與頑悲乎三代下直道良獨難

西荒有豫章榮悴占九州力士持斤斧斫伐無時休元氣亦僅  
僅洩盡無復留朽株千萬載不知今在不我思乘浮雲遠邁窺  
八陬甚望存枯枿萌蘖庶有由

東方有檀梨服之衣不敗南方無損獸斲割體不壞美酒與玉  
籩壺觴相遞代我欲集此物寘之無欲界終身止醉眠詎足論  
興廢

訛獸狀如菟人面能語言苟善必言惡云東而反西人或食其  
肉遂亦工欺謾此味亦艱得胡爲舉世然或恐不必爾長歌爲  
深歎

海上有大人千里一舉足但解飲美酒自謂膺天祿飢則仰問

天得飲亦自足好遊山水間不肯干民族雖名無路人其志良  
不俗絕勝馳輪鞅終朝事徵逐

海鵠吞小人一舉遂千里小人寄鵠腹相因得不死二物氣所  
感相須乃若此不遇廉與來紂惡焉如是嗟哉人與鵠相吞良  
未已

### 重九

西風又見雁行偏誰遣投荒到海邊三度黃花人中酒一編青  
簡我忘年黎元有幸長饑老滄海無情浩劫延稷下紛紛遂星  
散雕龍有口漫談天

時有青  
島警訊

### 題國山碑

幾度興亡天璽年孫陵岡廢草芊芊可憐虎踞龍蟠業不及空  
山片石堅

壽蘇日同年爲會凡七人余以事未與明日以東坡百步

洪韻賦此

青天如海雲如波光陰萬古騰飛梭置身雲海最高處日月兩  
丸相盪磨帝皇王伯電過眼更從何處論東坡况於九百餘歲  
後欲舉壽筭傾酒荷何異奔流已注壑更來叩石求盤渦我輩  
同年幾人在朗如北斗橫秋河下視蓬瀛遂清淺擘麟脯佐金  
叵羅奇寒已訝堯年鶴蔓草又掩金墉駝但賸風簷幾殘客相  
呼微問君無它白酒已浮元蟻盜紅梅漸坼黃蜂窠自應相招  
痛飲耳奈此月落參橫何俗累纏身獨未往武安難免將軍呵

憶舊遊

花柳雷塘往事空錦帆無復挂西風可憐狼籍山光寺還有人  
來弔故宮

詠史

芒宕西隣大澤濱粉榆社火自爲隣可憐呂氏全家族有女何  
須奉貴人

偶題絕句

無言桃李自成蹊半被行人踏作泥獨向蝸牛廬裏坐春風長  
在小窗西

逢春無日不閒遊醉卽清吟睡卽休猛雨狂風花事了先生酣  
夢五更頭

嘗記年時三月三花開時節在江南而今又到春三月依舊桃  
花似酒酣

一片花飛減却春杜陵空費惜花心那知掃却閒紅紫點綴池  
塘有綠陰

昨宵沈醉酒家樓過眼繁華一醉休漢苑唐宮在何許照人空  
有月如鉤  
三尺階頭一把茆至今勳業五雲高不須哆口談堯舜可有人  
才繼禹皋  
曹瞞踏碎漢山河劉裕江南又起波慚愧嚴陵灘子上一竿一  
笠一漁簑  
年來頗笑許由癡過眼煙雲且聽之何苦潁川來洗耳姓名留  
得世人知  
凌晨一醖意縱橫人笑先生酒癖成從古若無麴蘖法淵明也  
是可憐生  
扁舟一葉點江天歸去春光正滿船釣得魚兒還放却今朝無  
酒又無錢

窗外梅開三兩枝天公有意遣催詩年來性格成奇懶過盡春  
光總未知

鄭蘇盦招飲海藏樓看菊

北風淅淅寒雨冷菊花晚坼仍芳馨淺紅深紫縱無賴不與百  
卉同飄零老夫自怪懷抱惡走向君家慰寥落十丈高樓吸海  
光百枝冷豔團香國狂風吹塵正滿天出門莫辨陌與阡會須  
埋頭但飲酒死葬陶家亦足賢

與友人市飲

鬩聲如沸夜冥冥多少人間夢未醒老去風濤輕海島客中蹤  
跡慣旗亭熨寒酒釀鐙先醉弔古吟高月解聽歌吹沸天塵繞  
市可憐雙眼向誰青

揚州北門外有地名傍花村秋來家家蓺菊擔負入城點

綴秋光半在於是村臨河宋代牙城之隍也河上有橋  
土人名爲菊橋其名甚雅余舊有句云送酒船來雙槳  
綠擔花人過一橋香稿久佚追懷其景爲補賦之

傍花村路接雷塘白板紅闌壓古隍送酒船來雙槳  
過一橋香句留客况憐黃菊點綴詩懷更綠楊二十四年流寓  
處到今追憶倍淒涼

飲酒

避世東海濱無事但飲酒所慚量未宏盡醉不盈斗梨楂必在  
眼魚蟹或充缶問胡能享此慚愧造物厚淵明道未窮啟期樂  
自有飲罷意條然夕陽挂衰柳

飲酒過三爵油然身可退糟池作牛飲焉得知酒味所以桀紂  
君正得廉來輩聖哲戒其然作誥訓于妹禮有無算爵詩有賓

筵誨相反實相成紳書永爲佩

支離役可蠲侏儒飽欲死試用大道推此亦細故耳陽貨專魯  
國尼父困闕里盜跖肝人肉展季仕三已誰云筵與楹輕重齊  
一軌

淵明絕代人愛酒逃世桔觴至輒陶然餘歡藉詩續方其興到  
時豈以五字束我生千載後無由奉高躅賴有冰雪文晴窗得  
披讀昨夜西風來撼我庭前竹鏗然自成韻何必琴與筑若與  
詩境會把卷更三復何以伴幽吟芳尊湛空淥

嗟哉杜陵翁世亂東西奔仲冬霜雪下盡室赴蜀門得有嚴鄭  
公地主誼甚敦園官輸菜把馬軍送酒尊行厨出竹裏驂馬繫  
樹根更得浣花溪佳境開籬樊難中得此境何異誦招魂我亦  
播蕩餘家破身僅存豈無賢地主高誼未可緩終歎時事非身



安何足論

昌黎昔飲酒爲文俟其醺張侯藉酒力草聖卓不羣古人所以飲爲屏世慮紛酒爲翰墨膽力可奪三軍夫豈樂爲此故違沫誥文

昔者白香山飲量本不宏願言昌其詩豈不借酒功但恨有禪累佞佛希虛空名教有樂地焉事媚大雄嗟嗟千載下此弊無終窮

未知飲酒意姑賦飲酒詩飲中有妙旨憑詩斟酌之世風有厚薄本性無醇漓衆醉固不可獨醒亦非宜所以陶杜輩故以酒爲辭此意深且廣未遣世人知

題白畫梅花

忽地羣仙入夢來千珠萬玉費安排蝸廬無地留君住且把寒

香紙上栽

寒訊

羈客索居元自感物華應候倍相驚明蟾坼魄初三日陽鳥催寒第一聲落葉漸如衰鬢改亂雲嘗共暮愁生年來慰藉傷心目祇覺秋容畫不成

黃石齋楷書孝經卷子

卷長凡口丈口尺黃絹朱絲小楷全仿鍾法後有自跋云五引詩於五孝之首先引詩而後釋之此自古人通例後人不解遂有庶人章無詩之疑此實精卓不刊之論也

孔道大無垠根自孝弟始不作亂犯上可以希君子宗聖繼其傳孝經因以起由漢及宋明作者相迤邐巍巍黃漳浦道繼昔

賢軌學足究天人孝亦悟聖旨廣川及中壘千古笑相視晚乃  
移作忠一死成萬是平生游藝餘上追鍾大理人間傳百本劫  
火恐無幾我生憂患間饗殮不及旨布衣不暇煥更不論紈綺  
至寶忽見投捧手三日喜裝潢謹什襲焉敢匣輕啟如魯之璣  
璠如秦之和璽又如杜林書一卷同臥起可以資伏膺可以存  
覬視可以訓子孫可以銘筵几舉世方尙奇孔書等脫屣棄置  
匡隅閒誰能尊眎此晴窗聊自玩古色逾瑚簋

龍華鎮桃花今歲極盛聞之趣往則已將爛漫然雲錦霞  
標頃歲所未覩也不可無詩以記之

海濱久居何所似柳永蘇儋杜同谷偶然出戶事閒游市閨喧  
闐雜絲竹今晨頓覺眼能明龍華桃花炫繁縟柴車轆轤二十  
里日澹雲輕滌塵俗沿谿藉谷花鬱蒸斷霞文錦舒田塍緋紅

照眼路不辨季倫步幃安足稱回旋更入花深處漁父不敢誇  
武陵惜無片土可避世四郊戰鼓方登登徘徊久留天欲暮舉  
手別花且歸去回頭孤塔斷烟中似怪游人太匆遽問君何苦  
負春光還入喧闐市聲處

### 黃大癡浮巒煥翠圖

是圖在明末爲董思白所藏著於畫禪室隨筆陳眉公  
亦云大癡畫以浮巒煥翠爲第一恨絹碎耳後來墨井  
麓臺皆及見之張瓜疇圖畫精意識則詳言其邱壑此  
後遂不知所在據墨井言則入都且殉葬矣丁巳秋忽  
出於滬市則霉敗破碎無人問價者爲余所得重裝之  
復還舊觀作此記之

氣韻鬱勃春空雲筆致紆曲歐陽文孤芳亭亭壓衆卉一時畫

苑嗟空羣藝高不供俗子役癡翁始肯留真跡此是浮巒煥翠  
圖自來藏奔名烜赫問誰真賞敢評鷺遂有眉公暨思白爾後  
沈埋二百年人間不復聞流傳一朝壞寶落吾手草堂虹月高  
燭天對此摩娑三歎息澹治吳裝謝雕飾山態雲容駘蕩中相  
期漫論千金直無力能營貯翠樓新詩聊爲生顏色

明朱大司  
得大癡

翠峯雙樓貯  
與此有二翠之目

### 隋大業鐵鑊銘拓本

鑊有銘正書凡四十九字字方二寸餘有漢隸筆意在  
湖北當陽玉泉道場卽太白詠仙人掌茶處也造者爲  
李慧達後有伯達及譚修生名未知爲書者爲鑄者其  
年則大業十一年乙亥也自來金石書鮮著錄者或竟  
爲孤本也余得拓本於滬市愛而詠焉

普六茹堅竊國雄都城移在長安東江左孤懸將百年一朝併  
入邦域中左藏庫物既盈溢萬民鼓腹歌歲豐縱云不及漢文  
景小康亦足稱治隆江山頓入阿摩手綵花螢燭爭昌丰東征  
已歎民力盡南遊欲飲江水空大好頭顱付誰斫亦知不得完  
厥終大業乙亥更可傷明年遂起江都宮隴西李花始璀璨隋  
隄楊柳徒葦苴李慧達者彼何人姓名不殊無是公居然費鐵  
三千斤何不鑄耒頌春農充佛供養佛不喜幸充我輩金石供  
巴官鐵量付塵劫此外但傳唐兩鍾金文一旦忽見此四十九  
字驪珠同上攀可繼漢閣道下眇已無唐景龍隨軒塔槃更不  
數口口界石難爲工六朝真楷出隸法得此一綫能溝通老夫  
於書無寸功興來捉筆圖蛇龍不意眼中遇此拓晴窗無暇摹  
雲峰宅章序畫信有法千鈞勁弩初離弓始知書者非偶然定

有筆法來斯邕世人儻疑我語誕請質道州暖臂翁

勸梁節菴飲酒

思與靈均共啜糟豈真沈飲傲兒曹麴生紅友乃吾侶螺贏螟  
蛉徒爾豪去國梁鴻歌自苦採芝唐秉漫稱高勸君且莫辭杯  
罌世亂相逢更二毛

朱古微填詞圖

碧梧亂覆雕闌影紅錦地衣承藻井不盡人間萬古愁絲痕著  
意縈新警隔窗夜雨聞涓涓愁盤九曲金博山敲拍未終宛成  
夢夢到梅溪竹屋閒幽怨搖香惜金縷詞人例作銷魂語不信  
靈均賦九章至今恨結懷沙浦

戴醇士畫西山小景以錢籜石宗伯書西郊踏春六絕句

同裝次韻題其上

建章宮樹倚雲栽水色山光畫本開荇帶泉連濞泝水竹鞭桐  
帽幾回來

瑪瑙卮匱玉畫叉承平多少舊人家可憐錦綺鐙籠庫今日春

來無一花

承平時海澱鏡籠庫為  
貴人所聚處今已荒蕪

熏香宮女倚篝籃火急軍書日百函步輦亟臨勤政殿紛紛戈

甲戢江南

香岩宗印

閣名在  
靜明園

梵相膺佛力虛空不可憑惟有玉泉山上塔

凌霄依舊十三層

昆明池岸半荒畦荷鍤人歸日又西若向灃崖求舊芭流風真  
個感榷梨

玉堂人物望如仙朝罷常攜兩袖煙今日豐宜門外路幾人來  
鑿種瓜田

燕文貴雪谿行旅卷子

風微微雪飛飛一白茫茫路不辨  
征人欲向何方歸坡脚四松  
相對出松下人家開竹扉橫溪  
一皮石橋小山半飛泉縈裊裊  
穿林入谷屋宇幽持比輞川更  
深杳多少樓臺玉琢成那容人  
世飛塵遶更從嶺上置雄關百  
仞丹梯未易攀鈴鐸一聲山響  
答宛然甯武鴈門間數騎臨流  
知欲渡挈蓋擔囊向何處或者  
當年韓退之閒關踏雪潮陽去  
須知此景我親逢記得當年從  
六龍羸馬驅馳韓信嶺羣山都  
被雪雲封當日雄心何可問老  
來相對畫圖中

清臣書來相勸北歸竝云廷栗齋觀察願以園相假聞之

感賦

歸興年來似酒濃未甘身世老吳儂  
西山植地果千樹北嶺橫

天峰數重巨馬煙波縈客夢翠微雲海盪吾胸  
名園肯借吾尤感白首無須更賃春

近代詩鈔

朱銘盤

銘盤字曼君江蘇泰興人光緒壬午舉人有桂之華軒詩集

石遺室詩話曼君工駢體文沈博絕麗詩天骨開張風格雋上與周彥昇張季直諸人從軍朝鮮其朝鮮雜詩與彥昇朝鮮樂府異曲同工

過故館懷先師劉公

吾師昔高臥十笏此閑房當戶晚花笑捲簾春草香說經嫌晝短中酒喜宵長今日空相憶羊曇淚幾行

寄婦

少婦持家拙念之愁遠人秋深憐我瘦書到諱言貧客路多衰

草歸心滿白蘋何爲怨離別屬命在風塵

寄懷蔣生

西風日蕭瑟念子尙無衣今兩人何在秋江蟹正肥相期把尊  
酒隨意弄清暉吳下詩才少青山望爾歸

書寶應孔太僕遺集一首示管才叔秀才

心血文章在孔君天所哀關山猶有淚忠孝定須才戎馬江南  
賦霜風幕府盍管生故人意回首重悠哉

書胡厚堂詞本

淮水日東去君家淮水邊霜華上短鬢風力勁秋絃一奏清商  
曲人思天寶年君看北來雁點點落尊前

寄婦

西風舟在白蘋邊我與蘋花瘦可憐欲遣江波遙寄汝可知流

不到門前

憶家園花樹

先人手種碧桃樹落盡桃花樹亦枯剩有窗前木犀在秋來能  
放幾花無

奔走

奔走空皮骨歸來就草堂能貧聊慰藉偶病得清涼布被一爐  
火中宵萬瓦霜門前數行樹期爾共青蒼

贈邱大履平

邱生東海來告我磊山奇眼前卷石不能到坐令鞬袖軒雙眉  
邱生二十好男子百金買劍長安市可憐四十不封侯舊戰團  
袍血花紫憂來發興惟高歌鬼神風雨能誰何胸中萬語但自  
冷張口一洩風騰波有時醉出霜鐔舞眼底鼠魚變龍虎共道

將軍劍術奇誰知國士丹心苦漢家西北多烽煙健兒十萬長  
控弦頻聞戈壁懸軍日空見葡萄入塞年邱生爾無封侯骨髀  
肉生來有誰惜竭澤蛟龍死亦佳淺草枯泥臥不得聶政堂前  
有丈人賈生涕淚空沾巾何當驅馬山中去海天高夢羲皇春

東海二壯士行

東海二壯士顧暹及馬義義也善突火暹也工擊刺邱生挾之  
來飛走健翮翅邱生亦善兵平生有通臂酒酣呼暹前短仗出  
游戲盪臂風力迥回身燭光碎一鏃千鋒旋萬人不足刺橫躍  
雙側盤觀者駭及鼻邱生呼止止神定吻微吹滿堂各曼立聽  
生說義事昔在毅皇初山東盜如蝟桓桓陳將軍殺賊輕意氣  
蓮池萬賊壘孤軍突風隊義爲帳下兒一鎗不脫背將軍出殺  
賊壁門虛不閉其時日正午西風晝陰晦突賊乘虛來直前那

猜忌一壁一雷出十發十人殪賊去義不追賊來義寧避貂蟬  
滿頭顛斯人獨蕉萃草具長不飽我嗟生已淚萬方昔多難死  
命責此輩羣盜一朝盡草間遂棄置高官騎大馬問心竟誰致  
秦齊俗彊悍此輩千萬計飢窮不能活草澤或嘯噬豐膚速蛇  
蝎適爲爾曹累鋌險觸文網殺之爲勇毅邱生况蕭條見人不  
嘆喟忍死爲老母日長但高睡兀傲藏深叢鼠兒遂搖喙平生  
結豪猛二士實其次蠻夷正歸化宰相善調劑小人伏窮巷眼  
前暫飽醉邱生吾告汝窮死又何異歸語所知人努力削材智

邱生劍歌

邱生有劍懸壁上抽出視我光十丈萬里來從日本都千金脫  
自雲中將吁嗟此劍何足奇惟在健者能用之猛虎林下臥不  
醒小兒寸鐵劊其頸關西羣盜尙如林涼州幾載煙塵深臨洮



牧馬不飛度充國屯田多苦心生也昔作賢侯客諸葛用心天下識橫流滄海竟何歸變局如棋收不得自從長揖歸耕去劍獨與人共朝暮雪色長沈北地花星文猶動東陵樹平生雙眼飽旌旗好讀陰符注握奇縱將此劍贈秋水猶化雙龍天外飛

送邱大履平之淮陰

貴人當經濟吐詞皆聖賢人賤言亦鄙好語祇自憐爾昔在年少仗劍驅幽燕三戰都護死道上橫戈鋌去時擁千騎歸來張空卷書生苦信書剛復身不全汝謀悔不用銜恨終黃泉韓侯有高臺下臨長淮水君門秦東門去此三百里君今到淮陰故人輒歡喜老母雪滿頭日夜望兒子扁舟遠迎將春風在冠履女兒能挽弓健婦習舂米開門愁江湖閉門種蘭芷坐臥惟高吟邱生吾語爾

寄范鑄葛桐

郭外青山酒客多葛生范大近如何開書豔聽南皮樂送客遙憐灞上歌天末風高回暮色樽前淚遠與江波荒城六月西風起曉角殘星夢薜蘿

送束畏皇視兄疾海門

貧賤吾何說出門事事輕清宵念骨肉雙淚暗縱橫苦竹山中雨虛窗夢後聲吁嗟爾何事復共可憐情

游勇行

江東有窮子早歲曾爲兵殺賊雖多不得賞太平散卒驅歸耕田廬蕩絕骨肉死商賈不習誰可營短衣數挽足無襪可憐日向街頭行夕陽慘淡照林木此時飢腹空吞聲吁嗟此輩故驚悍火酒肥肉乃饜情而况當時用彼力授以金鐵令殺人一朝

偃武尚法律此輩何識氣頓馴使酒爭博亦細故論罪那得隕  
厥生何者邏吏騎馬過道旁見之意不平呼爲游卒叱縛送堂  
上一鞠頭顱傾嗚呼天下俱赤子入伍則卒出則民爾曹媚上  
亦多術乃以人肉博汝名翁歸張湯却遍地寧成邳都那足珍  
往者督部沈少保以猛爲治良可程遂有鄙夫竊意旨戈船小  
吏白骨橫嗚呼戈船小吏白骨橫我願大官日夕拂高鑑慎勿  
借之鱗甲爲蛟龍

中宵

高閣中宵起看天城頭擊柝響空煙浮雲東出星芒大缺月西  
當島際懸久客如忘千里遠新涼正得幾人眠田橫一去精靈  
沒快意高歌寶劍篇

蓬萊閣題壁

漢武秦皇骨作灰仙人無分入樓臺何年此閣堂堂出快意吾  
曹日日來翠嶺百重天破碎素波萬里月徘徊誰令表海泱泱  
地微管翻深孔氏哀

朝鮮雜詩

八年秋七月陪臣金及魚報書於督部神色慘不舒督部誦其  
書上言恕臣愚下言國內變縱火燒王廬發矢及王蓋君后藏  
菰蒲冒死從宿衛萬卒無一夫微聞有主者尊貴莫與俱督部  
不敢斷上之于天都

興宣大院君康穆之從季厥有子三人一爲康穆嗣爲父乃私  
情爲臣實大義如何緣衆怒便思易王位不在攝政年作事何  
濡滯智者當不然人言一何熾人言雖則爾父老亦涕淚  
王師橫海來罪人唾手得偉哉將軍功天子賜顏色宰相眷小

邦一一爲修飾互市則已矣練卒以爲德步伐豈不馴名爲王  
羽翼更恐芋菽窮鷲鳥不得食眼見爪牙徒化爲豺虎賊前車  
豈不遠愚者昏不識

江左有伯叔生長于泰西伯者習其教其叔爲養兒相公收材  
峻洩勃敗鼓皮相公嘉其才以伯撫句驪扶政及禦侮百事爾  
主持身爲天朝人北面臣事之匪惟臣事之拜跪如西夷固知  
尾已才不若頑鈍奇迂儒抱春秋老死無人知

朝船迎潮生暮船迎潮落刺船雖云美不如爲官樂互市既有  
科遣吏主其橐不知何姓名但聞才不惡王人使蠻夷取官于  
臺閣中朝固有體甯爲炫高爵此論今不然儒冠賤如藿

興宣攝政時西虜來寇邊興宣驅孱卒一鼓摧中堅乃知克西  
虜不在鐵作船如何貴人口畏之如帝天兵凶而戰危智者策

萬全不見賣國碑興宣所鑿鐫大書戒子孫垂示千萬年厥志  
雖不成君子嘆其賢

一日發京華二日海水清四日登之罘七日辰韓城書生不習  
武熟知軍中情昨者英膚使大舸來王京云奉其王教索地更  
前盟此虜實巴姓險猾如狸鼯側聞庚申變此虜爲蛟鯨孱王  
惜大計依倚王師名王師豈不武宰相心和平

生日

窮海春回未似春不成愁思細如塵年過秦氏鬢鬢增詩寫湘  
靈渺渺人鵲有東南求好樹樓無西北接重闔懷仁輔義何人  
事却怪桐江只釣綸

三月一首

醉倚高臺聽暮笳朝看旌旆動龍蛇一秋海氣常連霧三月春

風不見花見雁北來知代客問人南事抵還家爲君詠得江南  
好細雨輕寒燕子斜

近代詩鈔

康詠

詠字步崖福建長汀人光緒壬午舉人官內閣中書

石遺室詩話步崖從寶竹坡先生學詩旅京有年句如  
愁殺濃雲如潑墨隨風幻作故鄉山鄉心越閩海秋色  
上燕臺詩意清苦境遇然也

淨業湖樓飲酒有懷王芷亭

宿雨霽城隈登臨眼界開山雲渡溪澗湖水潤樓臺昔日諸詩  
老何人共酒杯可憐堤上柳依舊送青來

中秋對月懷菊客

聞道今宵月天涯共此明可憐歡笑日不解別離情路已歧南  
北身何問死生秋階風露下贏得雨淒清

近代詩鈔

康詠

近代詩鈔

李宗言

宗言字畚曾福建閩縣人光緒壬午舉人官江西廣信府知府安徽候補道

石遺室詩話畚曾少與畏廬至洽共喜爲陳元孝吳駿公一種七言律一行作吏此事遂廢今所存僅有支社詩拾中數首錄一二以貽嘗戀者

金川門懷古

倉皇父老愴蠻音百道燕師動地臨家賊竟張侯景燄路人曾識馬昭心北門鎖鑰黃旂偃南國衣冠碧血沈一領袈裟三尺牒孝陵魂魄定沾襟

訪鈴山堂

近代詩鈔

李宗言

一

丞相微時白屋存停鞭一弔介溪魂奸雄敢比譙東舍經術多  
慚安石墩門下兒孫看繼起九原寮屬半銜冤太師青爾堪兄  
事齋閣森嚴總拜恩

近代詩鈔

李宗禕

宗禕一名向榮字次玉又字佛客福建閩縣人官候補  
員外郎

石遺室詩話佛客少喜填詞工爲秦柳

有樓雙詞

辛夷詩不常

作時有悒快之意其武夷游草一卷不知散落何許矣

澗花

澗花映澗水開落各自可春歸逐水流春來還婀娜悠悠花下  
客恆與時世左單居推物情悒悒能久坐

青芝寺

片帆破霧發平明遙抵青芝百感清村豎解人導前路山禽迎  
客弄春聲千峰收脈深藏寺一水分支遠入城三百年來陳迹

近代詩鈔

李宗禕

一

在寂寥誰與續詩盟

贈林孝廉琴南

斯世無大文  
摭拾紛綺藻  
羣然相爲豪  
亦足干大造  
南山有君子  
著書盥其腦  
道與時世違  
旦夕傷懷抱  
桃李不終春  
松柏多壽考  
君爲萬年枝  
勿爲斷腸草

近代詩鈔

高鍾泉

鍾泉字通孫福建侯官人布衣早卒

石遺室詩話通孫少孤嗜學家貧無所得書無所得師  
則閱市借人出門求友十餘歲卽斐然成章卒年僅二  
十三何梅生極賞其晚春卽事句云貧家紅紫都如洗  
惟有青苔上井闌以爲何減陳叔度之一山在水次終  
日有泉聲餘如草堂漫記云好書久借緣多病舊句頻  
刪厭說貧瓶中梨花云未贈白人權託命再逢青帝已  
無根亦不盡作湯卿謀語

花事

花事殊無據東風面太生  
梁低空待燕地僻少聞鶯  
簾外幾春

近代詩鈔

高鍾泉

一

雨樓頭多晚晴踏青鞋未繡何日是清明  
花事寒中釀宵來欲減衣燭燒春共短香裊夢相依暗雨苔潛  
長幽篁筍定肥寂寥門巷裏纔見燕雙飛

謝酒

傍到香肌已減寒桃花釀醋豔含酸年來不領青州事合向平  
原署曠官

詠史

夫何碎唾壺癡心慕魏武神器非等閒中宗豈懦主石頭不啜  
臍上計死奚補刀劉無足論伯仁冤千古  
稱孤不負漢坐擁見雍容偏朝奇男子首數石世龍子房同卓  
識高皇誠景從並驅輕光武恐是君未逢

澄瀾閣對柳有感

愛汝臨風作態頻依稀交讓尹邢身柳有二本攀條我少纖纖手護

惜還須倩玉人

道安居士絕句

莫向長橋管送迎乾坤幾輩解鍾情我來已負青青髻愁聽誰  
家玉笛聲

春閨雜詩

宿雨纔收曉色勻滾毬不起落花塵月華裙底青青草印盡殘  
紅損綠茵

點點泥痕柳絮霑新裁縞袖護葱尖無端貪看雙飛燕半捲花  
陰上竹簾

慊慊睡臉小桃酣玉鏡斜臨筆自拈莫把雙眉誇夫婿今宵新  
月恰初三

桃花門徑日初斜好是春晴說在家情分一般如姊妹纖纖玉



腕自烹茶

等閒梳洗罷春朝萬紫千紅少助嬌揀得好花偏並蒂剪刀未  
下已魂銷

金釵未拔亦何爲容易花前捧玉卮載酒不關來問字泥他夫  
婿教填詞

釀得餘寒憶昨宵水晶簾下掠雙髻無端私語偷鸚鵡玉鏡春  
生兩頰潮

却拋火硯小窗西春煖臨池墨易齊不爲凍毫偏耐嚙玲瓏玉  
瑄鬪瓠犀

近代詩鈔

陳 遷

遷字季新福建侯官人諸生早卒

石遺室詩話亡弟季新年少逸才屢下第鬱鬱不得意  
有所眷歌者天逝傷之甚兼以自傷也見諸詩詞者不  
下數十首多淒厲不可卒讀句云世上黃金原似土抱  
中碧玉自無瑕亦傷逝之作

傷逝

更上湖亭倍惘然十分秋色是今年夕陽真是無情物不許愁  
人哭墓田

二載何曾一日歡此心不減越梅酸細思往事都成讖長抱奇  
愁欲化丹

縱不題詩也愴神今年燕子罷勞辛此中白眼知多少終古黃衫有幾人

又

風物已淒緊吾心殊不佳墓門空挂劍香徑已埋釵霜信催衰鬢秋期葬病骸詞人白首臥松竹滿蕭齋

